

陸陳二先生文鈔



確庵先生詩鈔卷之五

楚江集

起庚子十月盡辛丑八月

龍潭大風浪觸余首見江上漁人慨然有作

跼踏孤舟內行雲亂夕暉江豚迎棹舞海鳥背帆飛浪洗雙蓬鬢風欺獨客衣生憎習步叟垂釣穩漁磯

石頭城歌

石頭城邊山色紫石頭城下潮聲駛陰風蕭蕭鬼火青十萬水軍同日死水軍來亦壯哉犀甲耀白日龍旗捲黃埃樓船喧逐天地動欲標麟閣書雲臺春秋惡棄師河上譏徘徊既無沈舟智亦乏濟川才一朝事變起肘腋爪牙甲士生狼豺鼓如雷委莓苔刀如雪投草萊可憐田橫客化作塵與灰龍蟠而虎踞千古空崔嵬我聞當年戰赤壁一炬焚燒江水黑確庵先生詩鈔卷之五

只今本意學周郎誰道翻同曹孟德又聞當時戰八公風聲鶴唳何英雄只今却似苻堅敗東山事業總成空石頭城烏夜啼霜天月落無枝栖不見桃葉渡昔日繁華今道路不見莫愁湖昔年車馬今樵蘇興亡得失盡如此富貴功名何有乎長庚光芒大如斗人肉腥臊賤於狗回首莫看石頭城君且為我醉此今宵一杯酒

甲黃靖南

時左帥東下詔靖南擊之于上江左退而駕已蒙塵矣

彎弧挾槩楚江沙叛帥紛紛骨似麻本謂五蛇猶有國誰知一馬已無家赤心牛渚依山色碧血泉磯作浪花枋政當時問誰氏可憐遺恨滿天涯

采石磯

先登奪槩是何人憶殺當年常遇春最是不堪回首處降幡



一片下江津

望青山遙弔李太白二首 錄一首

生時愛讀元暉句死傍青山謝氏堂莫笑詩人無所用問誰能救郭汾陽

禪定庵逢僧閒話

開士幽棲一水邊潮聲帆影落窗前閒中看盡人來往遺事猶談萬曆年

識舟亭晚眺

亭踞羅山勝名賢記識舟 亭名始自王季重 一江風落木萬戶火明樓暝入書生怯寒添估客愁殘碑詩句在吟罷重淹留

臬磯孫夫人廟

家本吳王妹身為漢帝如霸才女子力千古占臬磯確庵先生詩鈔卷之五

久不得長沙劉杜三消息寄此奉訊

蕭蕭木葉洞庭霜渺渺相思水一方頌橘騷人傷賈傅看花君子笑劉郎身經喪亂功名薄書著窮愁歲月長矯首雲天鴻雁遠雙魚憑寄淚千行

雪夜泊舟老龍池贈越中沈非如子榮余子聖趙得雲

鍾文卿

無端飄泊大江濱襍被寒生昨夜新兩岸菰蘆迷釣艇一天風雪送征人雲連楚水披圖遠家在吳山入夢頻賴得同舟遇知已異鄉相見倍相親

黃茆塘歌

江豚風吹浪花起朝上廬江暮皖水月明一夜靜無聲直泝潯陽三百里小孤山在夢中過明發推篷滿船喜喜未已愁

忽生黃茆塘畔沙洲橫波心隱伏參差成闕住吾舟不肯行
舟中之人色如土長年邪許力如虎萬人雷動輓轡齊亂叫
波臣達水府達水府君莫愁金錢寶馬投中流須臾巨艫凌
雲浮捷於飛鳥輕於鷗布帆無恙乘風去來朝依舊到江洲
阻風八里江謁水神馮大王廟

山色連雲水接天大王祠廟自何年巴人祭告三千里楚帥
輸將十萬錢有力慣分風上下無心頻看月虧圓投牲沈璧
由來事乞放征舡去似仙

桑落洲同文卿寶林亦史登臺望廬山積雪

桑落高臺立釣難客中攜手一凭闌隔江正對匡廬秀薄暮
千峰積雪寒

望雲居

確庵先生詩鈔卷之五

三

我友願雲以名諸生丁國變削髮爲僧隱於雲居思
之而不得見乃作是詩

一峰天上是雲居古云天上雲居八百州慧遠於今此結廬他日故人
來入社不知沽酒意何如

石鐘山

石鐘山下浪如椎獨許坡仙深夜知一自古人吟咏後陶庵
鐘山詩我來登眺懶題詩

月夜泊舟湖口

水落沙平野燒紅漁燈明滅荻花中人離鄉井愁看月客老

江湖解候風客云單日轉風雙日雖轉亦不
久又云七九當頭轉其言皆驗向憶石鐘曾駐

蹕高皇破陳友
諒駐蹕於此誰從彭蠡是元功我來空擊中流楫昂首長

天數塞鴻

師還

南詔功標銅柱新據鞍矍鑠許誰倫赤心千載無三戶青史千秋少二人有廢有興知歷數一生一死見君臣歸來圖畫凌煙閣頭白如霜最苦辛

又絕句四首

婦人自古戒戎行只恐軍中氣不揚共說當今檀道濟偏教

紅粉唱籌重

聞有侍妾精于九九七省錢穀皆其會計

令嚴刁斗夜無譁獵犬成羣走白沙

舟中攜犬數百

何以伯顏歸去

日嶺南攜得有梅花

縣官出郭候江干從吏紛紛大布冠

胥吏皆寬衣大帽

笙鼓船頭賽

河伯一時小市萬人看

峭帆風送下江船萬里專征奏凱旋獨有書生嗟命薄武昌

確庵先生詩鈔卷之五

四

難似上青天

悲九江

九江上流雄郡一亂於左再苦於金兵燹之餘風物

慘淡賦此悲之

雙塔煙寒埤堥迴蕭蕭水驛浪如雷晉陽甲自當年下敬業旗曾舊日來紅樹有情愁裏色青山無恙劫餘灰只今若箇英雄在廣武場邊阮籍哀

湓浦口

湓浦亭前噪晚鴉空城獵獵起風沙行人過此青衫濕不待

鄰舟聽琵琶

江上

片帆江上畏煙波市月風塵負薛蘿城郭驚心離亂久姓名

答客囁嚅多避秦已分青門老入郢聊爲白雪歌日斷蒼梧
正秋絕九疑山色近如何

小至日舟過武家穴

潯陽晨水驛武穴暮溪灣酒向愁邊醉詩從亂後刪殘燈千
里雁落月萬重山明日知何處先王正閉關

道士磯俗謂之道士伏即西塞山也

危磯如羽客倪首向江干霞作朝朝帔星懸夜夜冠步虛波
影動獻曲樹聲寒可是黃州鶴重教入夢看

土人云緣江郡縣鄉邨悉爲獻寇左兵所蹂躪今之存
者皆鋒鏑之餘也聞而哀之

清笳客淚墮千行山郭江城總戰場人住赤眉燒後宅鷄鳴
白馬踏殘桑愁歸木葉飛寒雨恨入波聲帶夕陽未暇悲歌
確庵先生詩鈔卷之五
到千古眼前風物已淒涼

五

入黃岡境

客子畏長途人煙近楚都竹樓宜密雪社鼓醉神巫天地愁
飛鳥山川笑腐儒不知翼軫分道有少微無

赤嶼二首

錄一首

赤嶼峰頭夜月明空江無復洞簫聲令人錯憶周郎蹟蘇子
文章誤後生

大風不寐

昨夜宿江坳長空忽怒號黑雲翻地急白雪捲天高估客推
篷恐篙師繫纜勞桡樓愁不寐欹枕聽波濤

雨後

山水壯詩魄風波生道心銜杯如有得把筆不成吟洲渚天

邊斷烽煙雨後深蕭蕭江上雪雙鬢一時侵

和少陵詠懷古蹟五首

有序 錄二首

行篋中攜得杜詩一卷舟居風雨不聊出而讀之見
有詠懷古蹟五首每歌一篇輒浮一大白因思予足
蹟所至皆在古人之鄉屈宋楚產也隆中有三顧門
峴山有龐公宅鹿門有孟浩然故居入其地如見其
人臨風憑弔感古傷今乃卽本少陵之意而追和之
文不加點略無詮次

此地曾爲梁父吟臥龍起作漢家霖箐時早定三分局報國
終存六出心孟獲縱擒宣化遠李平涕淚感恩深誰云將略
公還短魚復江頭石未沈

短褐吾憐孟浩然詩凌鮑謝愛林泉非無雲夢驚人句却誦
確庵先生詩鈔

卷之五

六

南山遯蹟篇春雨流根園有蔗秋槎縮項水多鰯高風往矣
無來者花落溪流八百年

舟行甚緩偶作

昨夜狂飈吹土囊鳴萬竅帆檣欲崩摧啞啞羣鳥叫今朝勢
一靜開我山川貌銀沙夾明鏡所過特清妙獨恨舟行遲斜
陽忽西照舟師呼少女時時如鬼嘯大塊顛倒人詎復人所
料何日武昌城登樓恣游眺

寫懷

元化初氤氳山川本一氣不知何年月摩盪割爲二萬壑入
地流千峰拱天翠因之壯神魂發我狂歌思北有大行高西
有夔門異十洲與三島真人之所寄何當御風行一一探靈
祕我頭旣已白聊復寫吾意

黃鶴樓和崔左司韻

當時崔顥題詩處今日依然黃鶴樓萬里乾坤雲漠漠百年
人物水悠悠鳳皇尚想英雄嶺鸚鵡空傳處士洲不爲鄉關
動惆悵傷心別有一天愁

苗生碑

苗生苗生何太古不讀詩書不弄武只待衡文絳帳開翻身
跳向堂前舞似是虞庭帝德敷遺風當日傳千羽頭上何所
有鴉青麤巾螺髻彈身上何所有鵝黃峒錦連錢裏口唱蠻
兒九轉歌手打華奴兩頭鼓鼓罷成行出棘門來朝繫籍青
衿伍莫訝苗生奇莫笑苗生魯只今儒林滿都邑禮樂衣冠
棄如土三寸毛錐重百鈞何如去學苗生樸

獻寇破武昌令數十人舁乘輿輿楚王而投諸江城中

確庵先生詩鈔卷之五

七

二十萬戶其屠戮不盡者皆驅而沈之

楚王宮殿化爲塵龍種銷殘問水濱豈是膠舟沈共主
魚腹葬騷人筠痕重染湘娥淚鵝血長啼望帝春
艷樂太哀
甘萬戶夜深風雨哭青燐

憶昔二首

憶昔亂離初揚帆嚮東去爲愛青
竟味風濤慮始猶盪
微波忽作翻天勢忠信仗平生不疑并不畏此志雖不終亦
已行吾意流光彈指閒吾衰一何遽楚行湖長江日有垂堂
懼夕陽漸西流剛柔頓殊致一詠劉琨詩長歎不能置
長歎亦何爲關山滿戎馬悠悠行路人無可與言者不如何
年宮燒落鴛鴦瓦國殤千載魂夜哭楓林野哀鴻自南翔江
水只東瀉荊州四戰地寥寥古人寡縱有隆中龍誰顧衡茅

周瑜廟

百萬矍矍一炬焦周郎人傑嘆前朝烏林戰罷成三國赤壁
歸來有二喬願曲當筵驚粉黛散花醜酒話魚樵散花洲瑜
於軍處
風流去後江山在萬里金笳見射鵰

孟德湧月碑

曹公題碣樹江干雨剝苔侵點畫殘獨惜風流似公瑾不留
一字與人看

樓居遣興

武昌南望接荆蠻獨倚高樓客思閒官舍晚煙紅樹裏女牆
寒日翠屏閒風生鄂渚魚偏美霜下衡陽雁未還畫角聲殘
試回首故鄉已隔萬重山

確庵先生詩鈔卷之五

入

賦得有客新從趙地回寄馮定遠

紅絲匹練健兒裝定遠綢囊金買
馬為塞上之游落日蕭蕭走太行毛遂妄
思公子俠廉頗癡憶趙人強蟻沾白墮經旬美麝過黃茆盡
日香數問相如墓何在幾多俗眼笑君忙定遠欲拜蕭相如
墓或嘲之曰相如

豈君故
舊耶

題呂仙祠次楊孟載韻

鐵笛猶疑弄月光劒花長與拂秋霜徒聞劫火燒黃鶴不見
飛鳧醉岳陽壺裏乾坤無戰鬪人間陵谷有興亡傷君亦避
中原亂黃巢亂入
終南學道客路無由薦一觴

漢口

莊周夢裏踏塵沙煙火舟車十萬家於越幕僚充海內新安
估客遍天涯為吏者多越人
為商者多徽人年年來往羶如蟻日日喧闐亂

似蛙解道漢陰終古地忘機獨許丈人誇

湖南

芻狗天心恐未仁湖南聞說亂離頻燕求巢處晴依樹虎穴

城中畫噓人湘潭城中有虎何必湘君纔下淚縱非賈傅亦傷神蕭

條萬里無煙火祇見風沙不見春

聞雁

早是疑霜急雪天中宵切切小樓前詩成鄭谷他鄉日鄭谷雁詩

云故鄉聞爾亦惆悵何況扁舟非故鄉書繫蘇卿故國年長笛一聲雲夢月清

笳千里洞庭煙楚人聞慣頭堪白那許吳儂擁被眠

楚宮人

煙銷金殿失鴛鴦衰草離離恨夕陽白髮怕談行樂祕細腰

愁似入宮粧胭脂波令春何在雲雨臺空夢已荒獨有江頭

確庵先生詩鈔卷之五

九

一片月年年長伴哭君王

幕府

幕府東南隅檠戟臨大道新官初上任日出開門早牙旗飄

長空鏡吹駭飛鳥能使爪牙尊坐令縣官小供張括租賦一

飯千人飽笙歌開夜筵為樂及時好金甌永無恙富貴長相

保回首楚王宮黃沙三尺草

日出入行

眇夫不識日向人問何其人言狀如檠扣檠無復疑他日聞

鐘鳴遂謂日出時勸君莫相笑人人盡如斯昨夜西方死今

朝東方生一出與一入人物以枯榮夸父不能追魯陽不能

助願從仙人賣子明騎龍直上青天去

樓中晚眺

風吹愁思落天涯東眺吳山不見家樓上淒清乘興月渚邊
寂寞勞軍花羅含故宅生秋草陶侃垂楊宿暮鴉正是客心
無那處亂猿聲裏一城笳

久別離

久別離別離不見成傷悲雒溪采葛女遠寄日南綈繚繞千
百尺一尺一相思精誠感天天不違韓憑之妻化爲連理枝
其上有鳥啼雄雌人亦有言山高水深山亦不高水亦不深
自古至今高深者心天地有窮時此心無終極一年復一年
一日復一日一日復一日花落又花開川流何時回人去何
時來狐之無知尙死首邱龍之矯矯終復其讐舜巡蒼梧崩
於何所二女有淚滴成湘浦不見所思如此其苦所思不見
不如不思今日白髮昨日青絲中心之灰誰知之

確庵先生詩鈔

卷之五

十

四不如酒效樂天體

莫鑄金錯刀枉用磨礪力我有眼中絲知君割不得莫牽五
彩繩纏綿亦無益我有腸中輪知君挽不得莫撥博山爐寒
夜徒蕭瑟我有心中灰知君燃不得莫求巨海犀空費囊金
直我有鬢邊塵知君辟不得刀不能割眼中絲繩不能挽腸
中輪爐不能燃心中灰犀不能辟鬢邊塵不如且飲劉伶酒
一醉長眠萬古春

淚

寒夜讀義山作盡態極妍惜其少丈夫氣乃廣其意
而和之

秦庭七日與聲俱易水衣冠送壯夫曾爲賊洪啼故主每依
阮籍到窮途冬青樹下埋金碗朱鳥臺邊碎玉壺最是春秋

應廢筆魯麟已死不能無

炳燭二首

高樓坐餉武昌魚，入戶青山靜有餘。
體物喜裁叉手句，捫胸悔欠等身書。
侵晨課業如禪誦，向夜焚香似祓除。
莫笑晚年重炳燭，昧行從此正愁予。

接得江頭尺素魚，明燈促席酒杯餘。
夜長細聽城頭柝，寒淺貪翻架上書。
春尙未來梅已放，人方爲客歲云除。
凡心亦欲更詩字，商也專家正起予。

詩字未穩每與實林商定

與登善夜話

涉江日四十，去國路三千。
一別遂如此，相思真可憐。
翳燭銷今夜，停杯憶往年。
新詩無限感，不必萬人傳。

武昌遇周逸休奉贈

確庵先生詩鈔卷之五

十一

芙蓉城外別君歸，五見春風燕子飛。
烽火一天漁夢穩，關河千里雁書稀。
月明相憶洞庭水，歲晚初逢黃鵠磯。
長其翩翩今阮瑀，吟詩寒夜一燈微。

示登善三首

錄二首

二十年前意氣雄，雄論詩說劍與君。
同高原校射，秋風緊小閣占星。
夜月空一自烽煙生，薊北便拋書卷臥江東。
卽今絳蠟圍爐夜，啼笑還疑是夢中。

峭帆朝渡漢川回，激灑杯光向夜開。
兩鬢蕭疎驚歲月，三年離別話塵埃。
故人未免依劉感，弟子應容御李來。
已醉欲眠眠不得，前山黃葉滿高臺。

陵谷歎

曾聞大孤山，鄱湖立洗滌。
我欲從之游，渺然凌雲想。
今來眺

望不得見但見鞋山在指掌野老向予言是一非有兩西去
武昌城下宿漢水清漣江水濁北有龜山似龜蹲南有蛇山
似蛇伏龜山古大別蛇山古黃鵠天地山川千秋萬歲只一
氣胡爲乎今古異名如此其紛紛而碌碌豈有深谷不爲陵
焉得高原不成谷

除夕

雪滿前山水滿川一身爲客楚江邊俗無淫祀惟迎竈門有
除穰却祭天爆竹聲催千戶鼓新桃光射萬家煙主人醉我
屠蘇酒撥盡寒灰又一年

辛丑元旦雪霽登黃鶴樓

高樓百尺俯江濱臘雪春風一夜分萬戶亭臺晴後出九門
鉦鼓望中聞瑤池西去思青鳥蓬島東來見白雲欲向神仙
確庵先生詩鈔卷之五

尋往蹟楚人指點正紛紛

有石鏡鐵笛仙
挑仙棗之異

三

黃鶴樓歌

古今名山大川天造非人鑿入功爲之點綴能使山川不寂
寞少時便讀子安文誰能不慕滕王閣南去由拳有煙雨翬
飛百尺鴛湖裏西來黃鶴與岳陽江漢之交洞庭渚此是人
間四大樓巍巍經歷幾千秋一時成毀關氣數劫火焚燒神
鬼愁黃鶴重新自己丑彼何人斯亦不朽我來登臨失聲忽
狂叫如此奇觀得未有此日逢春歲始正此時積雪天初晴
萬里銀沙浪邊白千重玉嶺雲中明隔江指點漢陽樹參差
城郭入煙聚上有摩穹大別山禹功當日知何處疑眸遙睇
古襄陽鐵馬金戈作戰場叔子遺碑徒涕淚孔明舊宅已荒
涼更是荊州不堪憶渚宮埋沒愁雲碧生子誰如孫仲謀劉

表豚兒空太息沈吟此事心悠然欲隨飛鳥凌浮煙手扶青天弄白日踏平五岳爲神仙世人但識神仙顏色好只問仙桃與仙棗我有金丹九轉成能使人人長不老噫吁嚱歸去來回頭忽見楚王臺黃沙一片生蒿萊茫茫使我興悲哀英雄豪傑安在哉眼中之人如塵埃

晴川閣和吳明卿韻

晴川閣外亂雲橫夾岸銀沙帶雪平古壁丹青神禹殿空江煙火楚王城陌頭柳惹深閨思笛裏梅飄故國情極目天涯渾是感春來花鳥倍心驚

郎官湖

昔李白與張謂月夜宴湖亭賦詩刻石將與大別山共相磨滅今湖已廢止存一溝矣感而賦此

三

確庵先生詩鈔卷之五

大別山猶在郎官湖已平可憐江上月空照漢陽城

過陽臺山和劉夢得韻

片石飛來點碧蒼

石人云上有女郎自巫峽飛來

登臨自昔感劉郎朝雲

寂寞荒臺夢暮雨淒涼故國糝湘浦暗分瑤瑟恨漢皋遙接佩珠香誰云宋玉空文藻千古春心見楚王

讀公安志感呂蒙襲荊州事

棄好寒盟攫一州關張熊虎一時休漢家火井終灰令不恨曹瞞恨仲謀

萊公竹

誰將白骨感公安插竹千年淚未乾最是無心惟草木尙存公道與人看

題孝感董永墓

孝子行傭渴葬親到今雙墓傍湖濱休將織絹疑天女好與
千秋感路人

沙洋夜泊

宛宛漢川斜春生何處家綠煙縈細柳白月晃圓沙不寐聽
郵柝因愁畏戍笳江湖人老大責諾有梅花子與昭法秋孫
訂今春再觀梅

花之約今
不果矣

桃花夫人廟卽息媯也

不死終成恨無言空復情息亡緣底事楚嗣問誰生面比桃

花豔心慚漢水清易門有烈女祠廟孰爲更孝感易氏女字
漢陽劉某未嫁

而劉卒歸劉孝養舅姑三
十餘年葬畢以絕粒終

花朝舟至郢城渡和長源韻

陽春亭上足高歌白雪風流比若何郢城左右有陽
春亭白雪樓車馬去

確庵先生詩鈔卷之五

西

來招渡急山川今古感人多嫩寒花信驚無定小半春光看

又過且喜君才正強健簿書餘力有吟哦

郢城歌

清風臺白雪樓煙光慘淡生人愁解珮亭鍊丹宅日色蒼涼
動人惜郢城久絕鳳皇鳴惟有啼鴉不住聲樵夫指點傷心
處曾此迎鑾萬騎行青山黛蹙雲鬢黷獻王園寢依然在金
甕銀鴨已難求玉匣珠襦幸無壞原廟衣冠月出遙芳草纔
生火又燒按鷹調馬尋常事寒食誰將椒酒澆君不見雍門
琴牛山涕古往今來盡如是千秋銅塚笑曹公空作疑人七
十二何如白水一春陵鬱鬱葱葱有佳氣

春夜和寶林作

鎮日愁雲慘不聞灞陵松柏動悽哀簷鳴夜雨花空落幙捲

春風燕未來，鼙鼓漁陽騎。八戈船瀚海，幾人迴側身。天地
繁霜鬢，敢道東山濟世才。

百一歌爲毘陵毛子霞賦百一其詩名也

君不見李太白窮年落魄爲人客，君不見庾子山老來作賦
驚江關。人生半百不稱意，不如放蹟江湖去。功名富貴等浮
雲，金張許史今何處。我懷鬱塞未能開，薄游楚國臨高臺。長
江波浪蹴天動，滾滾夔門巫峽來。愁中坐覺春歸早，零落山
花聽啼鳥。主人示我五游詩，却是毛君子霞草。子霞家世本
蘭陵，獨向西南占得朋。麻鞋踏破千重嶺，赤脚擔殘萬里簷。
可憐信美非吾土，瘴雨蠻煙聞鬼火。惡溪處處走龍蛇，大陸
邨邨伴豺虎。子霞當此心悠然，添得奚囊更幾篇。東去別尋
章貢水，北來又上祝融巔。從此一官如敝屣，扁舟下上沅湘
確庵先生詩鈔卷之五

五

渚偶然長揖大將軍，四海爲家忘故里。黃鶴樓前漢陽雪，岳
陽城邊洞庭月。孟載當年嘆絕清，今日天爲子霞設。子霞好
事何太奇，文采風流千古思。補種晴川崔顥樹，重鑄岫嶼禹
王碑。左顧君山右峴首，眼中人物夫何有。興來題徧夕陽亭，
擘窠大字榜如斗。讀君詩想君面，相須之殷不相見。對酒長
歌結客行，臨風聊寫懷人怨。

沔陽二首

羣湖千泛水，光開楚人稱水或擬向兼葭一溯。河仙殿草香

悄悄夢

沔有仙女臺

烏林土黑戰爭灰烏陵在沔地制望衡

何處龍公宅，娶婦當年黃氏才。不是高朋并良配，南陽爭得

臥龍來

誰爲聖主效驅除，陳涉曾書作難初。陳友諒雉堞紀年猶有

蹟崇禎壬子脩城得舊磚上刻蓬山王氣已無餘山有友諒
漢大義三年蓋友諒年號也蓬山王氣已無餘山有友諒
帝斷家求翎羽充廷貢歲入魚蝦過里胥河地鶯毛漁
其脈俱有常稅聞道
幾回經戰鬪箇中仍自樂樵漁楚寇亂三十一
年獨河無恙

寄李行人賓侯時使至武昌

使星乘傳下荆蠻咫尺風流鄂渚灣千里湖山龍節外一春
花柳馬蹄閒樓開南國凌雲賦家在東吳待月還我有愁心
似江水隨君青雀到鄉關

子胥宅在監利縣

報讐全孝有誰如江上三師教闔閭吳地論功應廟食荆人
只合祀包胥

逢和家大人仲春一日韻

風物蕭條人事非楚王宮闕已邱墟鳳衰祇恐接輿笑龍臥
確庵先生詩鈔卷之五

去

空經諸葛廬襄陽孔明白髮寄詩知健飯敝衣爲客倦歌魚

秋來月照寒潭水遙指歸期慰倚闌

將之襄陽思家作

杖藜應有倚門愁衣帶能無日緩憂青草人行湖北路白雲
家在海西頭遙知幕燕添新壘最憶溪禽上釣舟落盡楊花
歸不得幾回惆悵仲宣樓

黃叔度墓

牛醫兒墓何在千頃汪汪傾郭太消盡人間鄙吝心高山流
水停車拜

襄陽道中

水綠沙明古大堤漸漸麥秀草萋萋斜風虎踞中林石密雨
猿啼夾路泥入市盡驚紅叱撥攔街誰唱白銅鞮漢濱日暮

無游女鼓角聲中氣慘悽

行過峴山

已去襄城近疑從蜀道行平觀千嶺直俯瞰一江橫雨脚澗
齊怒馬頭雲亂生不知巖谷下者舊幾躬耕

襄陽雜感十二首

錄六首

墮淚碑

渺渺無情漢水來峴山題碣有荒臺客行到此先垂淚非爲
當年叔子哀

隆中山

伊呂功勳在指揮君臣魚水願無違衡門若不逢三顧老死
隆中一布衣

呼鷹臺

確庵先生詩鈔

卷之五

七

生子空嗟豚犬兒野鷹來曲有餘悲當時倘用隆中傑保得
荊州未可知

龐統祠

驥足何曾百里才未陽不治亦宜哉若非子敬貽書至幾誤
當年雛鳳來

夫人城

曾傳朱序守襄郿城號夫人是女師恨殺將軍先避賊令人
不信有男兒

關賊至甯南先遁

襄王宮

長沙移國建名藩十世賢王感舊恩鶴魄不還鴟血盡年年

芳草怨王孫

襄藩世有賢王襄人思之

和師周有仲送別六首

狂風掛席水冥冥客路愁多恨獨醒
羅剎石排行地齒小姑山立插天
屏荒煙草沒幽人宅落日寒處土
星回首蓮潭邨舍遠半牕花影鎖
空庭

鴨綠春波漾白沙一江倒影浸流
霞黃陵淚點思君竹絳雪香銷醉
客花三戶淒涼吳地月六朝彫謝
楚人家風光自古多惆悵添得傷
心是暮笳

東風何處聽流鶯但有春鶻不住
鳴客淚如花和雨墮閒愁似草帶
煙生鈴聲俠憶甘興霸鼓響任懷
禰正平幾度南樓聊獨倚看他來
往暮帆輕

長天日日叫悲鴻千里江山雙淚
中華蓋蕭條傷故里細腰寂寞想
離宮伍胥市靜愁雲暗王粲樓高
落照紅佳氣春陵今在否垂綸只
合老江東

確庵先生詩鈔卷之五

六

二十年前未亂離行人好唱白銅
鞮朱顏妙舞桃花苑白雪嬌歌柳
葉堤簫鼓牙樯浮浪動簾櫳畫閣
入雲齊可憐昔日歡娛地煙月無
情衰草迷

客中落魄哭殘春春色依依似故
人露浥蘼蕪侵馬蹟煙橫楊柳鬢
車塵傳經漫說扶風帳漉酒空聞
栗里巾却憶蘇家兄弟好對牀風
雨咏哦親

將東歸過江漢書院留別長源

三千客路遠相依不道漕然灑淚
歸俗薄何妨爲吏拙時艱正喜潔
身微秋風月照芙蓉國夜雨涼生
薜荔衣準待君來共垂釣蔚邨潭
上鱸肥

過江漢書院慰諸六在郡伯

相思千里洞庭霜誰料相逢在武
昌天遠久疑弓並曲月明

應恨漏偏長不愁市虎言三至自有金雞詔十行事在赦前莫向樽前動惆悵塞翁得失總難量

秋夜武昌作

身病連三月家書重萬金天災熒惑祟人事訓狐深露下蟲聲急風飄漏響沈倚闥有垂白展側不能禁

漢口逢蘭陵孫彥侯彥伯兄弟賦贈

家世東林舊洪澳先生之孫僑居傍楚洲鶴樓眺江漢龜岫感松楸葬其尊人于大別山友是人中傑與毛子霞稱莫逆名聊市上留相期載書卷

來往一扁舟

蟻橋集起壬寅盡甲辰四月一名墓田集

壬寅春寄孫孝維

山中宰相水中仙誰仰芳蹤覺汝賢紅杏花飛吾谷雨綠楊確庵先生詩鈔卷之五九

枝拂尚湖煙錦鞵緩步春調馬玉笋清歌夜放船記罄交歡

在儒水往來燕子一年年

哭錢中野四首

傾蓋論交自鳳林天涯戎馬正交侵艱難膚髮千秋志奔走風塵萬里心橋下擊衣號豫讓行閒草檄痛陳琳回頭十八年前事尚使中宵泪滿襟

飲酒何曾問聖賢興來長共醉花前江樓春夜看燈月湖水寒風冒雪船詩鉢乍敲杯在手麴車方過口流涎而今一昔歸黃土若比司勳欠一年

茅舍相望煙火親杖藜越陌度阡頻圍田仗助三年力義廩支撐百屋貧但有雞豚招近局並無鵝鴨惱比鄰誰知來歲

逢春社扶醉賓筵少一人

一暝都教萬慮休人間塵夢付悠悠佩牛動處邨邨急政虎
來時戶戶愁夕報樓船橫瀚海曉傳烽火照青州哭君却羨
君先識爭得如君正首邱

報毛安義如石

山城雉堞小於丸捧檄聊當肥遯看瀑布聲中公事少老峰
巖下訟庭寬賓徐埽得三年榻時梓亭在署餉閔遺來一片肝書
聽溪流夜防虎不知何術濟艱難

春暮鴻逸招同石隱九陽雪堂存齋寒溪樊邨原竹雅
儔飲花下卽席賦

十畝芳陰魯望家夾岡層疊亂雲遮石闌鳥立窺棋局荇沼
魚翻避釣車曉露碧滋書帶草春風紅墮米囊花高朋坐到
斜陽候尊酒論文興較賒

確庵先生詩鈔卷之五

十

嚴武伯有詩見示次和

百年過客看跳丸斗室團團磨馬盤門柳露晞鶯語渴簷花
風靜鵲聲乾心當火候逾細學到竿頭步更難敢向齏鹽
貪夢穩敗人名檢是懷安

過馬退山

黃鸞啼落綠楊花門對寒流靜者家稚子鳶箏拖弱綫鄰翁
漁鼓去浮舡一簾草色侵書幌四壁煙光動畫叉話到晚來
西望好數峰天外夕陽斜

膠邑某與錫山某交善歿後過其墓而哭之哀米堆山
高彙旃皆有詩稱道其義因次韻和之

交情生死始爲真宿草叢中泪滿巾雲雨獨無翻手日山川
長是輟弦春叔牙古道分金鬻季札高風掛劍新愧殺悠悠

行路客只將然諾許錢神

次韻瑞五送鍊師支乾陽往東巖

占斷玲瓏片玉山雲深非復住人間
貪看桂月簾常捲愛聽松風戶懶關
竹葉數杯銷隙影桃花千樹駐童顏
朝來底事縈心緒散髮開籠放白鵝

書饌隱庵竹示學者

春雨滋新篁一夜長一尺君子學如斯日新乃有獲

送張月鹿歸四明山

秋風吹雲雲作雨木棉花爛禾生耳
里胥催租橫索錢愁嘆填門飢欲死
四明張生早見機翩然長嘯歌歸歎
來亦何心去何意如雲出岫凌空虛
我欲留君苦無計酌君斗酒拈君鬢
憶昔相逢離亂初君來賣卜遊吾吳
手持三式書胸儲六確庵先生詩鈔

卷之五

五

韜符人言張生膽氣粗欲招擊筑求屠酤
轉眼風塵十載後猿鶴蟲沙無不有
滔滔水東流冉冉日西走相看雙鬢兩
蕭疎昨日朱顏今皓首我笑謂張生君
舌尚在否君言不得意歸臥東山阜
且種召平瓜聊傍陶潛柳仰瞻函蓋
高俯瞰扶輿厚負此昂藏軀性命全
亦苟吾聞張生言附膺三太息英雄
不遇時自古無顏色勸君盡此一杯
酒澆爾胸中結轡憤懣之奇癖君不
見君家子房博浪椎當口殪穉竟何
爲不如棄去人間事赤松黃石真吾
師

磨兜堅哀潘吳也

裕仁披潘力田裡章吳赤浪炎皆吳
江人遭湖州莊氏私史之難廟亭林

先生有書吳

磨兜堅慎勿言之輸國情挾筆視慎勿書書之殺其身有耳不如聾有舌不如瘖將隱焉用文自昔以爲儼定哀多微

辭絕筆於獲麟大聖尙慎哉何況我後人君不見宋范曄魏
崔浩一朝鼎烹天下笑獨有昌黎韓退之人禍天刑兩不知
不見鄭所南并中心史鐵爲函不見陶南邨輟耕之錄埋樹
根逃名養晦盡如此君獨何爲闍斯理嗚呼歌未終淚如雨
鑽隱庵夜坐

時危兼歲儉身世兩茫然避地窮依佛依糧餒學仙蟲吟將
曉夜雁叫欲霜天兀坐臨窗竹挑燈照不眠
追和顧中庵齋中晚望詩

十年悲隙影依舊款雲關花發高低樹書藏大小山夜深絡
緯急秋老薜蘿閒錯比方千宅吟詩涕滿顏

王素修齋卽席賦

雨過重陽後尊開返照中晴光散書卷秋氣度簾櫳風約半
確庵先生詩鈔

卷之五

三

池綠霞明千樹紅祇應摩詰畫幽賞意相同

同吳漁山過吳興

夾岸女桑齊衝煙烏亂啼雨深千澗合水闊四山低烏酒名
難辨殷亭路欲迷喜同黃子久翠障有新題

雨後舟泊湖州館驛河

山城沾越酒水驛繫吳舟鴉帶殘雲亂星隨返照流春蠶紅
女靜夏稅里胥愁預恐歸帆路重逢逐婦鳩

相城湖懷古次漁山韻

輕橈十日盪天涯五兩風吹又到家絀雨春深紅杏葉亂煙
晴撲綠楊花綠溪漁網牆頭見近市禪林屋角遮何處高人
書畫宅斷碑殘碣鳥飛斜

相城爲石田
先生故里

吳興遇羅蒿庵同年

相思不相見相遇忽於茲張籍窮方病膏庵疾嵇康懶自知湖
山同此夜杯酒又何如世德應銘墓膏庵無絕妙辭膏庵屬于
銘其尊人

湯湯庵座師遣友過訊賦此奉懷兼寄同門何鐵崖

碧潭春漲到門流蕩槩相過起白鷗正憶懸魚新太守

吳師前司李揚州故

與鐵崖同過其地依依立雪三更夢

靄曾同騎鶴舊揚州

與鐵崖同過其地

靄靄停雲八表愁慚愧陸莊蕪穢盡恩深瀚海未能酬

訪越中陳蟄庵於水雲亭時以醫隱

逸性甘肥逐違時不道狂君恩存玉軸相業託青囊柳入先
生傳蘭分王者香水雲亭子靜匡坐到昏黃

次韻懸弓初夏族弟齋中養疾

我命多家累君才是國醫行藏違俗好聞達反時宜室邇心
確庵先生詩鈔卷之五

五

偏曠情疎性不移判花卯酒早看竹午炊遲有句囊長滿無
錢杖獨欵雌雄彈罷忽黑白鬪殘棋萬卷堆書架羣鵝戲墨
池此公真可畏何事不能爲獨行人間少狂名天下知楷模
吾道主圭璧後生師鐘巨鳴隨扣纒修汲取資閒來十丈絹
醉後百篇詩不道偏多病還須善自治珊珊聲在骨戰戰汗
流肌二豎膏肓苦三蟲督任疲祇知求白獺未暇聽黃鸝坐
失紅稀候旋過綠暗時池中蕪菡蓓架上少茶靡閉戶聊高
臥開編強自怡倦來身輾轉樂處眼迷離銘讀思防口爻占
戒柔頤孔顏存足法虞夏沒難追俗敗彝倫敦儒衰道統危
有心惟我在當世舍君誰忠孝懷先祖衣冠謁廢祠鶴鵠兄
及弟葛藟本兼支蘇氏連牀話美家其被思邨堪人老大又
見月圓虧借爾墳簾調當子俎豆嬉却慙同布鼓噴飯復奚

疑

破山集

起甲辰五月盡開六月

甲辰夏破山雨後觀泉示梅仙

背郭放舟好青山煙雨中畦分過澗水林度落梅風僧定門
長閉樵回路忽窮穿雲覘泉脈幽興喜君同

夢前韻贈山遊諸子

山行信筇杖散髮綠陰中澗響千峰雨花殘萬樹風入深雲
寶濕望遠水源窮不有逃名者林泉與孰同

不見虞章二十年所今忽相遇感而有作

匿影空山逝不歸夜深翦燭淚痕微世更劫火家何在人過
中年事已非四壁琴書司馬渴十旬風雨子桑飢閒來采得
東籬菊可有壺觴到白衣

確庵先生詩鈔卷之五

五

梅仙別去獨坐山中疊前韻遙寄

泉聲長在耳獨夜坐山中幢引松門月鐘傳竹徑風但貧非
是病不學乃真窮何日重來此秦坡放脚同

偕虞章采芝烏目山疊前韻

亂雲深處好忘歸攜手蟻吭上翠微噩夢未醒重話夢昨非
纔覺又成非雨鳴澗水堪爲枕露浥芝田不瘵亂儒服十年
看做地相期同製芟荷衣

贈鑑如開士

妙香羣動息清况似緣君山色窗中見泉聲雨後聞種松微
露月開戶冷過雲自得安心處明燈坐夜分

次和陸放翁自述

鬢髮戎戎白年踰學易期鬪爭蝸角見變化蝶魂知山寺晨

鐘飯燈花夜雨棋未能全出世終勝在家時

三峰三絕句

不知何路入三峰踞石看泉信短笻忽見白雲天半起萬松影裏一聲鐘

石臺寒溜下潺湲坐可千人獨我開始嘆虎邱明月夜玉簫金管玷青山

上方臺殿翠微連萬里孤臣遁蹟偏曲盞水中揮拂子有無花雨灑諸天

謂樂公

雨中觀泉喜遇晉公文石晉公有詩

看山晴亦佳看泉雨方足我乘薰風來萬樹鬚眉綠山水似私予相招入溪壑夜夜怒奔流朝恣遊矚登頓千仞岡芒鞋小躑躅忽而遇故人笑聲出中谷脚底白雲生班荆坐林確庵先生詩鈔卷之五

五

麓向予道微尚恥同塵網逐篔簹裁吾冠芙蓉製吾服結契霄漢間鳴琴事耕讀此樂追古人聆之動心目

退山和晉公作見寄疊韻奉酬

禪房深無人日高睡初足丁丁樵斧聲劇破山煙綠披衣起扶筇凌岡討幽壑飛泉懸百丈眼光蹤所囑故人在城南高樓閉芳躅恨不與之俱沾酒坐空谷其時夏日長微風起林麓一鳥樹頭鳴雙蜨花閒逐人心易知時絺衣變春服歸來月當庭忽得新詩讀讀之見素心宛然君在自

次韻孫雪屋見訪二首

山影度空院微風生竹林羣蟬鳴雨歇一犬吠雲深扣戶驚何客吟詩見此心還期明月夜長嘯最高岑長日容高臥雙扉剝啄稀泉聲喧到枕松色冷侵衣烏亂清

煙緬僧歸夕照微懷君當此際采蕨意無違

南浦至

偶然蹤蹟在空山未得如僧出世間泉石有情成痼疾君臣
無藥駐顏顏看雲藜杖晴還荷待月松窗夜不關最喜足音
來小阮碧梧清影覆苔斑

坐王石公太古草堂

幽居如太古學士舊名堂遠澗忽微響開花無定香林蟬喧
夕照山鳥弄秋光話到芳尊歇開門納晚涼

高林僧舍度夏

聽盡松聲與水聲蕭閒能使道心生山中宰相蹲鴟火淮上
神仙菽乳羹茗國槍旗酣轉戰醉鄉風俗少輪征靜如太古
長如歲一枕騰騰到五更

確庵先生詩鈔

卷之五

五

築公見訪口占三絕奉贈

高林精舍枕山煙忽扣雙扉醒晝眠驚起披衣呼弟子低頭
相見佛燈前

破龍山下遠公來慰我調飢亦快哉笑指白蓮花已放尙虛
前席遲宗雷

諫草先朝第一流亂餘風節問誰儔玉峰回首逢迎日彈指
飛光共白頭

看泉秦坡次南浦韻二首

僧寮習靜破山阿忽想秦坡策杖過雨勒斷虹懸峭壁雲分
殘照曳深蘿紅泉洞口漁郎路白練天邊玉女河臺殿上方
纔咫尺可容靜者當行窩

一條寒玉下蒼煙絡石縈沙萬丈妍有容昇籃迷失路何人

衝雨著先鞭挑燈手定高僧傳爲傑公避世身依繡佛邊願
得素心相結伴詩筒還往送行年

次韻贈鵝王上人

杖笠從師住碧山炊煙縷縷轟人寰穢材十丈鵝千隊誰許

禪關盡日閒上人能書能畫竹

閏六月望同槩庵雪屋坐月烏目礪和雪屋

東山圓月上不覺晚涼生一水微微下三人緩緩行乾坤聞
快論麋鹿見幽情大道真無隱風來萬樹聲

次韻岳貢晚眺

寺門秋色迥平眺與雲齊潮落雙帆急天空一鳥低牛宮遠
近見雉堞有無迷盡日空山話斜陽看又西

槩庵先生詩鈔卷之五

七

槩庵先生詩鈔卷之五

確庵先生詩鈔卷之六

括溪集

起乙巳三月盡十一月

乙巳春送桴亭毘陵講易

碧柳如絲草似煙送君春雨漲平川不愁我道方窮日賴有
斯文未喪天義氏無言留一畫孔門寡過絕三編京房焦贛
都休問况是揚雄續太玄

家雪峯小司馬生日詩三首

麻輦萬里踏塵埃鳥道羊腸去復回帝喜孤忠天上至人驚
辛苦賊中來運移獨抱聞雞志世亂方知逐鹿才何事忽聞
銅柱折姓名無夢上雲臺

驄馬朝天事已休歸來日日坐窮愁人生得失歸蕉鹿吾道

浮沈學海鷗南國伊蘭香入戶闕遊攜西田晚稻綠盈疇陣

確庵先生詩鈔卷之六

圖尚想風雲勢文石纍纍一邱時壘石

世事如雲瞥眼更那能漁釣老吾生采芝不免深山稅飲水

難逃比戶征海角樹頭蜂作國雲閒田畔鵲營城只今永夜

欃槍在兩歲中天兩度橫四句舊志

鴻逸招予看花春星草堂燒筍共食見壁間舊句感而

有作

繁花婀娜曉風前綠樹初肥四月天記得粉牆題句日摘櫻

燒筍一年年

簡何鐵崖二首州何爲海

到處歌聲響桔槔五湖八月壯波濤雲埋積雨輕輕卷日弄
初晴旋旋高千萬縷深綠岸柳雨三株老傍溪桃故人休笑
陶元亮也爲飢驅乞食勞

兄弟雲泥數十年，綈袍情好故依然。酒能爲我求千日，人盡緣君戴二天。綠水聲流官舍外，青山影落訟堂前。茗溪自昔多肥遯，願卜南邨學市仙。

簡閱菊如

無端客淚墮天涯，回首風塵感歲華。卓帽側時頭帶雪，青山過處眼生花。菰城急柝秋先入，蕭寺疏鐘月易斜。且喜故人無恙在，好從茗雪共浮家。

贈了凡上人

茗溪一路走山根，蜿蜒波光直到門。無數白鷗閒裏過，有時黃鳥定中喧。老來習靜身還健，亂後安貧道自尊。每過秋聲正盈耳，妙香燈火坐黃昏。

遊天聖寺詠壁上趙松雪畫瀟湘手蹟和漁山韻同邀

確庵先生詩鈔卷之六

兒

二

王孫文彩妙潑墨，見風流不雨雲常潤。非寒雪白浮黃陵叢，竹暗銅渚落鴻愁。留與山僧話蕭蕭，故國秋

秋日同瀨山邀兒遊道塲山往還各得二首

湖上看山好，秋林生曉煙。雙槳開綠鏡，一杖入青蓮。曲澗漁歌出，危樓鳥道懸。蹊深休問路，綽楔記坡仙。東坡書六十六代祖師道塲

薄暮村春急，輕帆轉渡頭。僧歸孤寺晚，木落萬山秋。遠燒隨風暗，疏星入浪流。一鉤新月上，釣起異鄉愁。

雲峯登多寶塔

道塲山頂名雲峯而塔又踞其巔真勝境也

兀立雲峯最上峯，紛紛腳底白雲濃。太湖北去水千頃，天目西來山萬重。樵厠空林蟬曳響，僧歸曲徑鹿留踪。神仙只在人間世，辟穀何勞問赤松。

弔孫太初處士墓

太白山人託跡奇烏巾白袷想風姿釣竿曾拂蒼蒼霧詩卷
長留咄咄詞太初有咄咄詩三徑煙深孤鶴下一邱碑在老僧知高
名不朽同山水埋照輸君及盛時

口占贈漁山

踏罷雲峯曳杖還解衣盤礴不會閒風流彷彿黃癡筆又一

吳門謝疊山謝孔昭善臨子八畫自號謝疊山

蠶婦怨

出門采柔桑入門飼蠶忙桃花已落盡夏景日初長家家禁
乞火戶戶蚤凝粧有郎不同宿有酒不能嘗中宵頻起看攬
衣獨徬徨初眠蠶在房再眠蠶在堂三眠蠶欲老纍纍繭盈
筐雖則繭盈筐焉得遂成章五日縲為絲十日織為錦杼機
確庵先生詩鈔卷之六

三

夜雨寒刀尺秋風緊雙眼花雙手抵千辛萬苦一絲絲來朝
剪取攔街賣賣向吳門遊冶兒遊冶兒驕且癡子無袴妻無
襦虎邱花柳楓橋月換得紅顏一解頤

九日同白根漁山邀兒遊弁山白雀寺二首錄一首

松風十里石門幽尋勝招提到上頭僧度翠微雲外語人捫
碧落鳥邊遊菊花髮短羞將插竹葉囊空惹得愁豈有右軍
書帖在也教風雨談歸舟

將游安吉泊舟金斗山下

乘興囊書載筆行緣谿一路向桃城酒沽遠市暮煙起帆落
小橋秋水平白鳥掠波雙影亂青山插漢一峯橫前村穉穉
斜陽裏築圃家家笑語聲

阿母山曉發同邀兒

阿母山前估客譁輕橈蕩漾渡頭斜高秋落木千村火殘夜
微星幾樹鴉縷縷生浮玉磬淙淙溪響瀉銀沙路行難似
青天上心火平添鬢髮華

馬家瀆同漁山遯兒

山中何所有翠竹萬千行抱甕科頭婦樵薪赤腳郎虎過斜
照澗難立短牆桑處處炊煙直微聞黍飯香

投宿龍清觀同遯兒

道院空山裏西風飄野煙斷碑眠虎跡壞壁墮蝸涎鬼火茅
君夜棋聲橘叟年黃冠能辟穀只是未成仙

寄懷諸石門二首

憶昔論交未白頭輕風吹到木蘭舟撚鬢林下拋棋局散髮
尊前看蒯縱蘆葉霜飛紅寺晚藕花月照碧潭秋而今豪氣
確庵先生詩鈔卷之六

都消盡何日還同百尺樓

四

清白名臣奕葉孫于今爲庶隱青門飽經離亂冰霜苦廢盡
田廬賦稅存種菊故人逃五岳謂勝公愛蓮衰友守孤村隣君
奔走空皮骨猶是先朝參養恩

秋思

百年多難未還鄉萬事無成斷客腸滅竈怕因人共熱吹燈
羞與魅爭光高秋日落金笳急靜夜風聲玉漏長惟有斷鴻
知此恨蘆汀驚晚一行行

宿奏叔書舍示竇伯禹思

賢哉顏氏子味道尊孔誨委心甘屢空浩歌天地內寥寥聖
賢風千秋故常在予獨感其遇乃不值晚世家有負郭田幸
也免罪戾書此貽二子懷古一反袂

中原耆舊總彫零，獨擁樓船戰血腥。
千里塵沙鳴夜白，二陵風雨哭冬青。
江關化去鵲名宇，華表歸來鶴姓丁。
海若不知千古恨，秋來依舊水冥冥。

山樓集

丙午

嚴髻珠小司馬隱湖上

苾蒨神韻鶴威儀，湖北山南稱隱居。
謝傅局中開壁壘，盧仝椀底鬪槍旗。
晴煙鳥弄臨池影，夜月花低繞戶枝。
無限仙源好風景，不知人世是何時。

錢黍谷中丞山滿樓落成

高樓置酒始和時，縱目憑闌有所思。
簪笏削成光匿匣，兒孫羅立影逶迤。
女牆日月當窗見，仙井雲霞對榻移。
爲問山間確庵先生詩鈔卷之六

五

何事樂鄴侯書卷杜陵詩

二樂閣

橫空快閣避人宜，只在人閒或未知。
山色翠深春雨後，湖光紅亂夕陽時。
香車蠟屐叢叢下，估艇漁帆窈窕移。
坐到晚鐘諸品靜，倚欄無語獨裁詩。

和姚夏庵瞿曇谷三偷詩

刀塗血路愁遺身，雪虐風饕異國人。
蘆夢茫茫長似夜，閒愁黯黯鎮如春。
支門一木關生菌，餉客雙弓甌起塵。
五十平頭三又過天留蟲鼠一頑民

偷生

短髮鬢鬚嬾不梳，自憐髀肉已非初。
過頭杖下尋詩句，折腳鐺邊讀道書。
盡日養創曾到鹿，經旬垂釣不驚魚。
淨生碌碌嗟無謂，禰刺般函漸掃除

偷閒

人間何地可相容，翻覆波瀾幾萬重。
困日爛如龍死，生齊物忘榮辱。上下全軀溷吉凶，布被奇溫春睡美。
小窗紅日又高春。偷安

題李膚公聽鸚鵡圖有序

膚公尊甫忠毅公，觸瑞被逮與其伯兄同行。有詩云：勞勞車馬日追隨，一髮餘生不可期。回首轉嗟鴻雁影，斷腸初信鵲鴿詩。白雲渺渺迷歸夢，芳草萋萋泣路岐。寄語兒曹焚筆硯，好將犁犢聽黃鸝。膚公既長，乃作聽鸚鵡圖，以志隱痛。予爲之題三絕句於上。

子孝臣忠世澤遙，都將清白答先朝。
滄桑碧未消，畫圖留得萇宏血幾度。

終令丁寧記昔年，燒餘筆硯轉悽然。
確庵先生詩鈔卷之六
江城三月春風裏，不聽

黃鸝聽杜鵑

骨節珊珊豹隱時，山中松火熟蹲鴟。
新愁舊恨歸尊酒，和得

陶詩與白詩膚公有和陶白兩公詩

墓田

扶杖墓田東，春光笑病翁。
花香營燕壘，土膏祝牛宮。
雙樹前村雨，孤帆遠浦風。
兒童湘苜蓿，煙火幸裁通。

白悼二首

委心任運夢魂安，所欠無過未蓋棺。
方丈書巢盤馬磨，牛生家產釣魚竿。
妻孥累重支吾拙，朋好愆多補救難。
回首中朝全盛日，茫茫已作上皇看。

粘天濁浪障天塵，不死嫌遲二十春。
交到白頭能有幾，看將青眼屬何人。
和凝多事文章版，張儉無家患難身。
羨殺鳧鷖

閑泛泛碧波清淺日相親

示隱湖諸子

叨坐皋比降屈年

庚寅始館隱湖

紛紛玉帛走高賢惟將忠信酬知

己未有涓埃答上天

米芾齋頭毫作冢

寶晉齋三六九日舉文會陶潛廬

下硯爲田

潛在於陶廬

此情爭忍輕追憶老眼臨風欲泣然

狂態平生未解愁而今命日與仇謀知交冷面看塵釜親串

翻脣笑徹裘泣玉荆山天墮淚吹簫吳市雪侵頭自憐恤緯

和膚公四十自序詩次韻

避俗閒閒十畝宮菰煙蘆月老江東書集獨著幽求子繭室
常稱贅世翁霜露蹟繁先祖臘衣裳荷芰野人風乾坤覆載
非無意肯學昌黎但送窮

確庵先生詩鈔卷之六

七

門人王帆仙以季主姑布之術隱於虞市感舊傷今賦

二詩贈之

記得傳經立雪時千秋盛事與君期書探白洞淵源秘字究
元亨點畫奇兩戒山河指掌見三垣象緯按圖知而今賣卜
成都市卻任蝸鳩諠一枝

此地初無避債臺笑君從我執鞭來誰誇富貴輕唐舉敢論
陰陽學呂才日月乾坤供把翫公侯將相識塵埃命逢磨蝎

君知否欲算他人且自猜

三月十九日映碧先生書至

穀雨纔乾早荷鋤青青細柳蔭吾廬江頭野老吞聲日接得
先朝廷尉書

帆仙從學於予多歷年所近者囊書載筆薄遊江淮行

將涉青齊走燕趙出其所學質之高明所謂得一人知
可以不恨者也予壯其志爲賦詩四章贈行

錄二首

秋聲滿天地長嘯走江湖晒腹書千卷澆胸酒百壺鷹鳩看
物化牛馬信人呼弔古南徐渡沈沙見僕姑

東髮爲師弟驚看各二毛言心無劇孟枋政失山濤吳市簞
聲壯齊門瑟調高歸來問行路斗酒共醪醕

輓侯研德二首

有序

吾友侯研德翩翩濁世之佳公子也予從亂後得交
其人美風儀善談論賦詩屬文落筆敏妙生平嘗以
留侯鄴侯自况一旦化爲鬼物予聞而深痛之苦於
逃債鄰邦相違二百里不得一撫其柩漬酒告哀中
心耿耿乃作此詩寄吾徒大年焚諸靈前泉臺有知
確庵先生詩鈔卷之六

八

其亦當諒我於形骸之外也與

縞紵交懽破國初招攜情好見雙魚白衣宰相山中骨黃石
神仙圯上書六客存亡今日識一門忠義古人如風姿冠玉
吾能記衛玠頻驚人夢餘

薄命生逢中酒天故人零落思悽然空依故隴悲懸劍未得
靈牀坐撫弦逃稅鄰邦門有吏避兵澤國突無煙負君然諾
長懷恨尙欠三都序一篇

招真治

左道走愚民紛紛地起塵時卑官濶俗國亂鬼侵人五斗難
興霧三山錯問津非關邪說熾孔孟久荆榛

秋日登烏目山放舟湖曲尋僧不遇

客中愁見是秋山盡日登臨一破顏帝子亭臺深歲月中丞

祠廟動荆蠻

是日雖陽香火甚盛

人煙漠漠高城外漁艇依依返照開

開士不知何處去風吹松子落空關

八月十四夜瑯琊王書城招同芝屢伊人維夏心遠堂

雅集分得光字

疎雨微雲逗月光照人秋思共蒼蒼菊松舊護名賢徑書畫
新開傲吏莊三泖鱸蓴登豆美五湖蝦菜引杯長西園勝事
君能續客醉猶稱夜未央

病馬五首次曹唐韻維夏九日伊人同作

錄三首

其歎龍媒產渥洼驅馳無分魏堤沙戰場屢踏冰霜苦道
愁逢雨雪斜卸罷錦鞍憐小項控殘金埒畏長牙皇州憶得
春風裏紫陌紅塵上苑花

西望秦關東眺齊天涯何處著羸蹄身依穆滿心猶壯骨賁

確庵先生詩鈔

卷之六

九

燕昭價未低老智可師安棧豆權奇無用委沙泥誰知生死
真堪託縱鑄金鞭不易嘶

眼底曾誇有旋毛瑤池弄影失波濤楚王運去烏江冷漢將
時移紫塞高足踈鹽車空蹀躞心馳天殿強呼號堪悲逐電
追雲物卻怕西風利似刀

送唱初之任貴陽

楚塞江頭木葉微輕帆五兩疾於飛秋風未到周郎壁曉月
先過太子磯萬里雲山天末遠百蠻煙火日南稀故人不得
從君去相送徒傷心事違

簡陳鹿屏州侯

海邦為政素艱難况復輪將令未寬煙火蕭條勞夢寐繭絲
調劑竭心肝疏排力繼前官績暮夜羞承大吏歡六載琴堂

欠三拜怒他疎懶似方干

過鄰叟

南山一點映茅廬子姓成村五世餘舍北曉煙過翡翠門前
秋日冠芙蓉不知文字無機械但守耕桑畏吏胥若使人人
盡翁輩結繩何必上皇初

過雙鳳法輪寺贈穆文和上

六朝臺殿影沈沈古柏高槐自道林雙鳳和雲天外去百蟲
滿地雨中吟僧幢寂寞傳經鼓佛面蕭騷布地金不遇生公
來駐錫荒郊誰轉法輪音

瞿叔獻七十

十年如電影猶記祝延時夜雪湖頭酒寒燈夢裏詩青山老
眼在白髮故人知南國長征事茫茫萬里思

確庵先生詩鈔卷之六

西郊集

丁未

丁未春孟和宋菊齋六十自序詩二首

刑天猛志昔干雲去國曾成誓墓文五百田齊海島客六千
於越水犀軍龍占亢日知無位雁叫秋風苦離羣縱有魯陽
戈尚在可憐何策挽斜暉

歸來舊業已成空壁立依棲裏水東

菊齋原籍崇明

僧帽儒衣高士

傳菜羹蔬飯聖門風江山有恨歸青史蟲鼠無心付碧翁聊
假岐黃行相業緣知吾道不終窮

葛橋菴生日詩

移家深入翠微閒便似神仙去不還花發煖雲香作國月明
春雪玉爲山雙趺危坐心常定五字吟成手自刪何事尙驚
清梵覺松風謾謾澗潺潺

客春接衢州葉靜遠書道遠未報今春枉駕吾妻冒雪
訪于靜觀樓相見甚歡卻寄二首

三衢烟水隔重重一夕相思命駕從鳴待朝陽知隱鳳氣應
春雨識潛龍垂名似欲同諸葛

取字靜致遠爲字

抗節曾聞效兩龔

自接魚書勞夢寐敢辭風雪袖龍鍾

紫陽人去道無傳絲竹銷沈五百年盡墮虛空成鬼國誰開
雲霧見青天身更喪亂才逾健目擊顛危志益堅獨抱遺經
來論學笑看邊讓腹便便

答諸湛菴見懷

人在天涯歸不歸相思雨雪日霏霏流光背我公然去頭白
如霜兩布衣

秋孫過春星草堂話雨一首

錄一首

確庵先生詩鈔卷之六

上

湖山雲樹夢難通忽枉相存一夕同竹屋燈花聽夜雨荈牀
書卷坐春風人情反覆青樽外天運蹉跎白髮中卻笑退之
何太拙苦將文字送他窮

靜觀主人歌爲郁存齋壽

靜觀樓頭春鳥鳴靜觀樓下春風生樓中主人捲簾坐左圖
右史紛縱橫樓外梅花白如雪參差影落黃昏月萋萋百草
滿階青纍纍文石中庭列主人讀書深閉門愛探月窟躡天
根葛洪洞裏乾坤大李泌山中歲月尊主人好客車馬來交
游四海多英才高士欲留當下榻故人相訪便銜杯主人有
心過管樂主人有道出伊雒人間萬事如浮雲獨向尼山守
絕學時時招我共登樓登樓遂與古人游雖舜兕敦光照耀
清風四壁聲颼颼或其吟詩或看劍或論千聖開生面始知

名教有真樂富貴何如貧與賤主人有田在海東歲歲年年
遭颶風醫瘡剜肉苦無計主人樂亦在其中古云知足自無
辱人生待足何時足去留莫問踏雪鴻得失還同覆蕉鹿客
歲春秋周甲子秉燭夜游吾老矣試向樓頭一靜觀萬物自
得皆如此有兒聲名動八垓有甥獻策黃金臺向平婚嫁累
已少今我不樂何爲哉噫嘻今我不樂何爲哉

問昭法

日日征來到石田棄家無計轉悽然故人煙火能通否寫畫
吟詩直幾錢

白牡丹

洗盡鉛華露未乾玉如溫潤雪如寒花稱富貴衣偏白合與
山中宰相看

確庵先生詩鈔卷之六

三

和伊人題尉遲忠武祠

武德宗臣蓋世才凌煙名姓上高臺心同山嶽妻寧棄體滿
癥瘕主亦哀祠廟千秋泥馬在雞豚百戶紙錢來白頭自幸
還無恙元夕年年扶醉回

讀書太微道院贈張斗垣張天一兩鍊師

儼然人世有蓬萊長日雙扉掩翠苔書餉青精烏舞下晚吹
玉笛鶴飛回松風拂拂爐中火竹雨喧喧掌上雷隔卻妻孥
便瀟灑始知梅尉是仙才

斗垣天一連篇和荅因疊前韻成卽景二首錄一首

此身恍惚入蓬萊頻扣雲關破碧苔雞解守玄談未了蝶知
乘化夢初回風來水面天心月雨過河源地肺雷誰向參同
添註腳當年曾費紫陽才

喜遇夏子音以著作見示

印谿谿上鬪吟牋
頌洞風塵各一天
蠹嚙竹編書作命
雞生醯醬酒爲年
儂傷穀賤渾如土
君苦文衰不直錢
今日丹臺同寄迹
門無租吏卽神仙

次和天一久晴喜雨

道院無人徑
薛蒼鳩聲雙喚
燕迴翔片雲
頭上催詩急
細雨亭前入夢涼
萍約半池開
綠鏡花明千樹洗
紅粧遙知弘景丹臺畔
不寐閒燒看綠香

聞有仲歸里遲而不至

忽得君歸信
愁中且破顏
別離經歲月
涕淚動關山
白髮世情賤
青氈吾道艱
勞勞空悵望
永夜一燈閒

得長沙劉杜三書兼承佳句見懷柬酬二首

確庵先生詩鈔卷之六

三

側身天地此何時
落木蕭疎短鬢垂
半死養成雞似木
一生博得豹留皮
燭當灰後心
心淚錦到裁
成段段絲回首
燕臺秋夜月爭教
宋玉不成悲

故人消息隔江天
忽有雙魚萬里傳
南岳雲埋仙骨在
西臺月照客星懸
銅駝宮闕三生夢
玉樹湖山六代煙
莫漫投書弔湘水
酒杯潦倒送餘年

贈江右丁景呂孝廉爲舊州侯丁公之孫共五首

錄四首

割置吾州宏治初
龔黃召杜不曾無
何人獨冠循良傳
記得西江丁大夫

先朝禮樂委蓬蒿
名宦祠堂瓦礫高
猶有山僧懷舊德
斷碑頽字薦溪毛

堂懸對句似春臺
父老歡騰記若雷
鄉下有田須早種
州中

無事莫煩來
不用詔書多李實自甘下考少陽城江南吏治今如此誰道
前賢浪得名

次韻酬朱仇池見贈

我愛仇池子高譚過野坳解銷愁作喜能使醉成醒山水靈
中句圖書座右銘自慙行炳燭霜鬢兩星星

次韻酬姚襄周見贈

寂寞丹臺畔偏宜漏性居竹聲三徑雨花影一牀書受月池
秋淨延風牖夜虛懷君對珠玉危坐整冠裾

自歎

禪房道院寄閒身二十年存一角巾夢入槐根曾作將文陳
天宿強稱臣孰詩易得傷時句愛酒元非用世人颯颯涼颺
確庵先生詩鈔卷之六

無四壁臨邛司馬未全貧

古

諸且了生日詩七首

有序

子與且了交二十餘年矣父子祖孫已閱四世今歲
中秋爲七十覽揆之辰撫今追昔不勝愁懽聚散之

感因賦七詩以介一觴

宅枕南村近輕舟易往還傍階流綠水當戶立青山放眼乾
坤外忘情草木間渭濱垂釣者未得似君閒

竹色開三徑花香亂一庭人間贅世叟天上少微星粟貯陶
潛瓮茶修陸羽經長年今有道宜醉不宜醒

亂後爲兄弟悠悠廿載餘愁多頭其禿興減酒同疎避世禪
中蝨全身轍底魚何時潭水上乘月坐芙蓉

記得稱觴日偏逢翫月時

謂丁亥秋

舟車三縣客長短百篇詩扶

醉難爲別連宵樂不疲如何一回首遙隔似皇羲

先子通門久時時過釣臺衝烟雙槩去帶露一筇回詩與皮
逢陸交情陳與雷至今思夙昔魂夢有餘哀

葭莢連天際朋儕舊盍簪風雲一日散消息十年沈華表多
爲鶴茂先幼玉元甫文樊籠半似禽無青三有莊甫庸犬目困于賦役移入城中木
看吾與爾同此歲寒心

杖屨從吾好相思卽度阡九年飢五告一歲舍三遷時命芻
爲狗生涯研作田遙遙南北望聞問隔江煙

過訪有仲題壁

萬里游初倦千金橐已空病牽蠻女夢言雜魏人風山水知
途馬乾坤踏雪鴻枯槩三百子聊送汝師窮

次韻酬朱仇池

確庵先生詩鈔卷之六

五

地角留蟣蝨天涯老贅疣田耕童子硯筆瘞古人邱蟋蟀殘
燈夜梧桐細雨秋倘無君好句何事慰離愁

次韻和之

石隱向號蟬菴居士今築生壙得蟬四五作詩紀異因
潛居抱影學寒蟬不問彭殤小大年青簡千秋惟在我黃沙
三尺總由天蟪蛄巢作人間世蝴蝶身為夢裏仙君比前人
較清絕飡風吸露意儵然

陸勅先生日詩次退山韻

學古鄙諛聞尙論貴卓識我愛平原君覃思治文墨窮源本
六經旁流兼眾術不學章句儒區區守佔俾海虞讀書人折
指推第一切塵當百六厄運方四七天高地雖厚一身自偏
側杜陵門懶開袁闕齋常寒几席藩溷間時懸纂修筆鈔書

手爲祗不敢自暇逸東澗千載人高弟稱入室親見楊子雲
問奇酒如織汲綆得其修討論志益密寒冬十二月萬樹吹
簞築風雪洒燈窻夜分入冥息凌晨詩思發溪橋聊小出極
目東海東放腳北山北人望若神仙可仰不可卽世態何奢
毗往往事粉飾負刖以每生浮艷傾鄉國此如嘉禾中害氣
成螟螣牛驥豈同阜鳳鶩肯爭食爰獨寶其躬束修而自得
富貴如浮雲名場等雞肋壯心古荆卿獨行今范式意氣薄
青兕肝腸吐白日金石或可磨君心自難勑相見殊淡然別
去若有失鼎鼎知命年算過前修匹祝君夫如何視夜指南
極

一歲之中朋舊彫謝者虞山四人玉峯四人婁江五人
旣痛逝者行自念也小除夕作此

確庵先生詩鈔卷之六

六

天地如何也不仁只將芻狗待斯民黃泉失路多新鬼碧血
成隣半故人丁令鶴空歸華表賈生鵬已在承塵自憐哭向
西臺畔亦是崦嵫日暮身

和倪元鎮江南春寄翁季霖

小園夜雨萌春筍邨落無人白晝靜金衣兩兩跳枝頭玉剪
雙雙蘸波影館娃宮圯蘇臺冷銀牀素綆留空井此生不飲
負頭巾流光冉冉吹飛塵

夸追遲義馭急香闥擁髻啼痕溼把酒弄春愁不及花爲誰
紅草誰碧萬戶煙生古城邑賣絲糶穀人骨立雪中鴻爪水
中萍魚針蝦劍徒營營

次姚襄周韻贈周仔玉二首 錄一首

犬聲不吠鳥聲來竹屋茅堂背郭開花下討春垂帶立水邊

覓句倚筇裁他時子驥迷津口今日元英住釣臺亦有忙於
人世處菊畦藥圃費栽培

春星草堂看梅

江城二月春風來春星草堂梅花開小舟蕩漾吳塘口柳絲
夾岸波瀾洄同行好友六七輩白頭如新斷金契閉門埋照
甘沈淪局脊高天與厚地一朝聯袂羣出游浩歌長嘯舒吾
愁其時梅花正堪賞花光照眼花香浮花中自是幽棲處風
塵迴絕堪逃世花外離離五色瓜花前煜煜三珠樹雙鳩百
舌參差鳴紫燕黃鸝相和聲暖風吹花下如霰時飄一片垂
冠纓或坐清陰石闌亞或立高岡隔溪話或因覓句踏蒼苔
形容彷彿蘭亭畫主人牀頭出酒卮一飲一石不須辭醉來
便向花間臥且欲呼天一問之此花元是瑤臺出宜伴神仙
確庵先生詩鈔卷之六

七

住姑射何爲遺種到江南駝塵馬矢無顏色此花結子能調
羹不比尋常糞土英卻溷荆榛雜樗櫟何事天公也不平天
公比年不得意長星慧孛終朝醉人間世事總沈冥紅粉黃
冠共游戲是日城內土女乃知真宰本如斯萬物榮枯各有
時慎莫不飲空歸去梅花笑人癡復癡

太微道院看紫牡丹五絕句錄二首

魏家豔色雒中神移向玄都占晚春鷓鴣欲來風雨急護花
忙殺步虛人

花王長侍玉皇臺冉冉雲軒駕日回仙尹人間渾未識函關
紫氣爲誰來

次韻仇池寓言四首卽用爲壽錄三首

高山流水獨移情人越曾誇五兩輕好客壯心囊底見驚人

佳句馬頭生偏隨角奕饒機械祇有銜杯喜鬪爭十載歸來
雙白眼塞翁得失已紛更

北窗高枕晝悠悠身外浮雲底用求童子傳經拚老大野人
爭席化恩讐黎園顧曲周公瑾下澤乘車馬少游慙媿望衡
聊結隱醉鄉天許共封侯

矮屋頽簷向碧溪旁風上雨達人樓眼光玩世驚牛背劫火
全身學馬蹄奪幟詞壇同下趙揮戈墨沼抵平齋窮年兀兀
忘頭白囊裏螢乾月上梯

次韻李刺齋春日雜詠十首

已教天上寄愁懷更把閒憂借地埋身其蟬蛸無住著夢依
蝴蝶少安排調高宋玉人誰和刺滅彌衡俗未諧莫笑入春
長病酒久拚荷鍤是生涯

確庵先生詩鈔

卷之六

六

高霞孤月未寒盟白水青山見此情看竹時時林下坐判花
往往雨中行鷗羣乍試前溪浴蛙吹初暄昨夜聲養拙怕爲
塵網誤吾師五柳一先生

衰年只有睡鄉宜一夜春添兩鬢絲風伯怒逢終訟日天公
醉到未醒時橋山龍去攀髯泣魯國麟來反袂悲爭得墮驢
開口笑野心還與白雲期

移家做舍小橋西回首桃源路不迷帶雨鳩聲相遠近隨風
蛛網自高低吸殘冷煖長江水斷盡酸醜破囊擎傍塚爲亭
似襄漢儘教鳳字到門題

一枝三石此相依黃髮漁樵共息機書貯腸中閒魯望詩成
江上老雄飛山川變幻看朝槿朋舊凋殘恨落暉不覺流光
去如駛伶俚十載臥苔磯

剝啄無人鳥雀譁晴窗書卷惜年華何曾挾筴謀詹尹不靳
傾囊付酒家城上金笳秦歲月樓頭玉笛漢宮花明朝曾有
西鄰約好昇籃輿去鬪茶

忘機身世兩無猜瞥眼春風易入哀南土滯淫王粲淚東山
偃臥謝安才柳絲有恨麤麤絲蘭麝多情細細開每到夕陽
攜杖看前村無數鳥飛來

白晝沈沈草自芳一庭春色勸飛觴風飄花氣蜂王貴雨送
泥香燕子忙世事有歌還有泣人情如醉又如狂何當挽得
虞淵日正想揮戈倚魯陽

一椽茅屋枕荒江向夜春星射小窗歸浦亂鴉排作陣當門
獨樹影成雙披殘漢傳淨杯白談罷騷經淚染缸慚媿元龍
空老大尙餘豪氣未能降

確庵先生詩鈔

卷之六

九

鄂國祠堂覆薜蘿由他爭席野人訶絲絲白髮催花落冉冉
青春逐水過入俗逃名惟爛醉仰天當哭是高歌五更鷓鴣
驚風雨百草凄迷奈若何

重朗歌爲顧樊村志喜兼贈何臧之醫士

樊村溪上盈盈水流入城南去如駛旁有賢人面水居潛修
白號樊村子少年意氣辟千人眼光射牛世罕比讀書必讀
有用書五經六藝究終始策時筆落風雨驚旁人不敢窺涯
涘江南昔年歲大旱家家戶戶食糠粃君獨上書請當路力
陳民命與國是予與桴亭參末議奔走不辭多道里是時同
心有南郭籌畫訐謔拯桑梓朝廷聞之爲惻然蠲折三分下
俞旨日月幾何遭鼎革吏猾胥奸互依倚天心似念我州人
忽簡白公爲刺史白公仁政古所無卓魯龔黃堪媿美欲爲

州人利百年大興水利誰可恃知君雅負命世才芳名久滿
國人耳延君諮訪益識君果是無雙真國士先濬朱涇達下
流次鑿婁江興大舉君能拮据不憚勞不日成之萬家喜城
東石田百萬畝一朝如雲荷耒耜未有郊公精水學今日得
君推後起郊墓去君居咫尺其中疑亦有神使比來世事多
披猖君乃知幾甘埽軌可憐煙火盡蕭條敲扑窮黎到骨髓
英雄有策無所施先憂後樂徒爲爾往往憂心中夜焚炯炯
雙眸被塵滓張籍胸中雖有奇無奈茫茫不能視吾黨同人
爭歎惜欲往救之恨無以忽然得遇長桑君神鍼一撥病良
已遂令銀海還舊觀重見蠅頭字滿紙如君才德天所靳何
君之術亦奇矣何君之術信足奇君之食報應如此

古劍篇

確庵先生詩鈔卷之六

三

牀頭古匣橫吳鉤質裁三尺經千秋夜夜寒光排斗牛如水
欲釋如泉流磨之霍霍風颼颼犀截玉難其儔能與英雄
報大仇客來歎息不敢求可憐寶物無人收嗚呼可憐寶物
無人收化爲繞指剛成柔

朱扶九東岡草堂落成

十畝閒閒住水涯桃椎雅尚少人知竹窗正闢涼颼候梧徑
初平好月時尊擁百城晴散映功高一戰夜敲棋他年太史
書名姓文苑還兼獨行垂

收春亭爲徐平谷賦二首

草亭如笠冠高邱春色平斂一望收雙樹倚雲天外見萬花
映水月中流換鵝池坐求書客載酒橋停問字舟怪得此閒
多隱遁清風今日有南州

亭前瓜地傍東陵，亭外簷簷冷翠凝。
雨過樹聲催夜月，風來花影護寒燈。
閒吟思比傷春女，枯坐身如入定僧。
無恨陽和歸肺腑，從前獨有邵雍能。
亭名取邵子句

次石隱韻寄浦君望

雲散風流幾度春，相思如結不相親。
運逢晚晚催頭白，家爲徵求到骨貧。
吹火一生餘蠟屐，椎車七尺笑閒身。
神州大陸湯湯水，信得人間有劫塵。

次韻西疇草堂落成

春風吹動柳條西，新築茅簷壓帽低。
玉糝羹香從地出，金盤露美與天齊。
酒之美者日金盤露細推世事應耕釣，靜看人情敢笑啼。
每到中宵眠不穩，雄心還欲舞荒雞。

魯岡招同石隱寒溪聖誠愚庵飲桂下得初字

確庵先生詩鈔卷之六

三

溪流激灑散芙蓉，早報涼風入袂初。
蟲語一庭聲細細，桂香三徑影徐徐。
草元楊子沈冥老，病文昌寂冥居。
已送夕陽還待月，幾回欲別又踟蹰。

次韻酬越中余一士

多君方弱冠，才調入名流。
世亂哀王粲，時艱困馬周。
蕉聲連夜雨，竹色一庭秋。
無限家山夢，相將付水鷗。

重陽前一日同人攜酒寒谿書屋次石隱韻

紫萸黃菊九秋高，攜酒寒谿濁醪。
醪渺渺，水天浮，澤國蕭蕭。
木葉暗亭皋，計窮婚嫁謀牽犬。
老溷樵漁笑，鼓刀欲向中原。
問人傑，不知若箇是蕭曹。

寄諸乾一九峯

高秋木落九峯寒，下有幽人弄釣竿。
玉露細侵書幌潤，銀蟾

斜入酒杯寬文章壇玷疑姚合絲竹風流想謝安此日蒼生
待霖雨可容巖穴久盤桓

清燕堂蓮夕菊下小集得二首

采得東籬菊招尋共舉杯景方秋雨過人自蜀江來

陳質叔
同席

好句酬佳節高談見傳才合章相困急不覺曉雞催

夙醒還未解向夜又看花玉笛從歌緩金尊勸酒賒霜天過
塞雁燈火散林鴉欲借禰生鼓狂來起奮鬪

贈蜀中陳質叔四首

六朝佳麗地當日舊京華夜月沈絲竹秋風散鼓笳輪蹄聊
結客山水暫爲家天意留人傑雄才似永嘉

白帝家鄉遠青城驛路高風塵淹歲月舟楫狎波濤懷古膺
頻撫愁時首欲搔且傾彭澤酒花下一持螯

確庵先生詩鈔卷之六

三

聞爾先君子身丁歷數窮時危甘獨立國破矢孤忠碧血三
年在丹心萬古同著書留篋行持此答天公

努力君方壯憐余已白頭豹文應變化鷗性祇沈浮草木關
兵氣乾坤惹客愁相遠無縞帶期許在千秋

袁石民以名諸生辭鄉校屏居北村者二十餘年今棄
家爲僧哀其志而贈之以詩

弱齡文譽重如雷意氣當年亦壯哉忽製荷衣釣東海時傾
杯酒醉西臺馴時未是蛟龍性老後從知薑桂材圓頂方袍
歸淨域笑予終歲守汙萊

白林九刺史重過婁東予病不能晤對枕上口占四首
東郊臺榭憶風流杯酒詩歌互唱酬一自我公解組後十年
不復見諸侯

萬戶攀援舊合車幾回欲別且踟躇卻慙無物當芹獻續得

離騷一卷書贈公拙稿

中原沈陸勢融融萬里煙寒四野空西北若教興水利婁江

昔日有成功

征輸傳檄急如梭其奈年年儉歲何若使公仍為刺史料應

保障意偏多

州人日歌蜀鵑啼蓋吾師匡威先生事也予遙聞之飲

泣不已

萬里為官蜀道難千年燐火碧光寒黎園爭唱鵑啼曲腸斷

西州不忍看

確庵先生詩鈔卷之六

確庵先生詩鈔卷之六

確庵先生詩鈔卷之七

後蟻橋集

己酉一名墓田集

三月十九日

高枕不知春忽遇傷心日空留老病身乾坤莽何益

不待惕庵師二十五年矣今夏忽命駕視瑚瑚適臥病
墓廬師至論心數日別後感賦

桃李栽培賴至公誰知瞥眼陸莊空三春高枕孤村裏廿載
披裘大澤中門下昔年容北海瓣香今日奉南豐臨岐無限
傷心處一望西江夕照紅

簡靈隱願雲和尚四首

錄二首

愧未離塵網居然粥飯僧不知香國裏亦念故人曾春曉湖
山夢宵寒雨雪燈此時正相憶倚徧一枝藤

確庵先生詩鈔

卷之七

古刹西湖上蒼蒼擁薜蘿雲從雙嶺合月近六橋多宿鳥歸
禪磬鳴蛩和梵歌陶潛久止酒有日放舟過

曹孝子詩

郁東堂從都門寓子大興曹孝子傳子因作詩直序
其事以風世之爲人子者

孝弟本天性人人皆有之聖學久衰息汨沈其秉彝孔孟等
糟粕大道成土苴狂瀾日以倒古風邈難追賢哉曹孝子獨
行世所希篤生於大興舊德名門楣其字爲蘊昔其名曰廣
攄四歲識之無八歲通毛詩十歲學屬文取次諸經治十五
博史鑑便腹中笥蒙莊腐司馬篤嗜日孜孜老成不好弄
適情祇琴棋從親宦嶺南五兩隨風吹鄱陽波浪惡長年且
驚疑孝子坐孤燈誦讀偏晏如此乃中有主豈其強自持無

何王母逝阿父守喪儀必誠與必信父悲亦同悲扶藪走白
門欣然得良師賞奇析疑義斯文如在茲爰窮性命理超超
悟淵微羅陳章艾義鈔錄手爲胝十九入太學守身常自維
登臨懼辱親不受旁人羈咄嗟僉夫謀禍患起斯須間關三
千里微服潛馳歸遇變具膽識行事適機宜時維己亥歲阿
父江干馳乞假迎母喪歸葬故鄉居道路阻且修遲遲一載
餘孝子孑然身竭力持門閭廉宦橐蕭條將母勤拮据救水
能承顏和氣生庭除阿父金陵至歡喜無他慮不意辛丑秋
陰陽忽偏毗兄弟交寢疾阿母尤尪危孝子曰呼天哀聲何
慘悽髮膚共身體總屬阿母遺阿母倘不諱兒生獨何歎昔
聞陳藏器註釋本草書割肉以療親此事吾能爲引刀割其
股秘不令人知進母母愈痛苦甘如飴纏綿二十晷寒風
確庵先生詩鈔

卷之七

二

沁肝脾藥餌襍亂投京師罕良醫姊妹兄弟間詳詢知創痍
義感王將軍焚香代禱祈天道嗟茫茫二豎終難驅當其彌
留際語語含涕洟首言二人恩戀戀不忍離次言念諸父同
氣本連枝終言諸舅氏一一吾所思指天指其心可以答神
祇天理滿胸中雖死願無違所祈喪葬薄毋爲古人嗤言已
遂長瞑端然返空虛一朝闕都城曹氏有佳兒薦紳聞其賢
作傳壽棗黎樵收聞其賢行路長歛歔婦女聞其賢雪涕交
雙頤斯真不媿心往古誰能儷趙包闔大義棄母全城陴烏
鎮李彥珣凶頑等鯨鯢習染成敝俗孰爲挽澆漓曾聞先民
言上好下必趨朝廷尙廉潔忍飢婦無襦朝廷敦孝行割股
墓門廬是以令甲中禁之著條規孝子不好名自盡唯區區
生死且不計豈有纖毫私只此一念間鬼神共鑒諸忠臣與

義士胥從一念推明道曹先生西河陳痛辭示之以中庸情
義兩無虧子也非常孝父也非常慈始知聖賢門必與千秋
期國史暨家乘日星永昭垂

次和王書城七十感懷詩六首 錄二首

嶺表年光荏苒過白將圓鏡解降魔琵琶古調知音少楊柳
新詞託興多三經未荒歸正好百城獨擁樂如何遙知飯飽
徐摩腹徙倚花陰一放歌

踏遍風波萬事虛平看江海與溝渠忍飢抱影閒如鶴用拙
全生散似樗毛穎昔承供牽職孔方今上絕交書洪鑪陶鑄
歸天地一任陰陽弄慘舒

次韻和王虹友見貽

八九潭中斷俗囂春來花木變新條芝山宅舍風煙古 子居周芝

確庵先生詩鈔卷之七

三

山先生舊宅鄂國祠堂歲月遙半世爲官成酒政千金遺子在詩
瓢白鬢髮渾如雪日曝茅簷不肯消

莫釐嚴公奕七十詩

五湖煙水稱幽居飽看風波十載餘燒燭夜披高士傳吮毫
時作右軍書短筇花徑行隨月小艇林陰坐釣魚慚愧兩山
還負約與來相訪莫躊躇

瀾溪舊隱爲諸湛庵賦

瀾溪溪上草堂閒鳥語花飛水一灣舍北曉煙眠翠柳村南
春雪立青山尋詩徙倚迴廊下習禮雍容大樹間此日風塵
懶回首管寧雖老不求還

筇在上人見訪賦截句答之

閒攜柳樑入天台 有天賦想見登高作賦才腳底鶴歸紅日落

鉢中龍起白雲來

一門志義古人稀

家世宣道沈氏道跡祇園甘息機西望愁雲千萬

疊故鄉雖好不思歸

高枕荒江已二年君來倒屣歎無緣遙知禪榻秋風夜細雨
殘燈思悄然

奉答東岡諸友見懷躬耕直水之作三首

負土年年感露霜茅廬小倚墓田旁忍飢折腳鏹長冷臥病
蹲鳴圃就荒四世止知陳氏臘五男不似賈家郎南陽當日
躬耕者可亦曾愁賦稅忙

一望寒原半草萊木綿花爛委塵埃傲霜紫菊飢時供照月
青梧爨下材鼠瞰空餅成隊去燕知愁戶引雛回人生自古
元如夢何事偏無好夢來

確庵先生詩鈔卷之七

四

客歲交歡恨別輕歸來病店苦三彭春秋過眼如呼吸寒暑
中宵忽變更羽士書符空弄筆醫師遺藥枉多情羣公持贈
驚人句瘡鬼今應辟墨兵

東野集

起庚戌盡壬子

庚戌春前五日飲蘇或齋年友梅花樓

奇懷取次入良辰小坐花前軟語眞白髮兩看人似鶴紅顏
一笑世如春行迷早復回車路官冷曾無落網塵

時或齋自
陽山官歸

有日移家共晨夕海濱同作釣魚人

看春社迎神

花柳含煙二月春荒祠祭賽走村民衣成短後盤龍窄鬢學
喬樾墮馬新一日散金興漢業百人折竹洗邊塵英雄靈爽
今何在祇博雞豚作社神

神爲陳
平劉錡

徐虞九齋小飲

聞君腸似雪何幸此班荆巷曲藏朱亥天涯老伏生卷簾初
燕入把酒正鷗鳴漸得清溪月流波照眼明

同湛庵菊隱長侯亮文訪秬園留飲明月堂

十載重過開字亭白頭猶草太元經依依繞戶先生柳炯炯
排空處土星珠玉千行供嘯咏縹緗萬卷靜儀型斯文未喪
吾儔在話到更闌醉又醒

三月十九日

龍去橋山歎落暉年年此日淚沾衣恨來短髮還能監灰後
雄心竟不飛飄泊鄰邦貧也病浮沈世路是耶非可憐梅尉
多妻子坐使成仙雅志違

病中言懷次葉訥庵韻三首

錄二首

確庵先生詩鈔卷之七

五

枚叔雄文枉在胸經年病肺席門中半芋大欠衡山骨百藥
空勞勃海籠帝側有笥書犬賜岐陽無鼓勒車攻拙廉混跡
聊全命眼見風光漸不同

衰老應將贅世呼懶占象緯數輿圖塞翁得馬元無馬車鬼
張弧又脫弧讀史浮乾三大白吟詩撚斷數莖鬚雙丸底事
團團轉新火明朝報取榆

詠史

哀哉袁氏子家世本公侯不念同根生化爲盾與矛寓書苦
口諫厥惟劉荆州豈知目睫間亦有成仇讐往車旣折轅來
軫復傾輶或者天運然不滅匪人謀熒熒參與商萬古東西
流

病中懷瑞五山居

不見龍仙又隔年自憐雙鬢一燈前任真懶過陶元亮多病
疎如孟浩然無力買山同避地何時拔宅共升天相思未及
今宵月能照愁心到夢邊

贈張朗初六十生日次韻二首

蒼精空自佩白髮已相等狂欲無天地愁多爲古今詩成篇
百絹書著字千金一任悠悠世堅持只此心

黃塵不到處萬卷獨函關縱竹欺荒徑看雲背遠山抱瑜三
飲泣拭劍一開顏歲歲中秋月江湖去又還

誕辰在
潮生日

次韻柘園十二詠有序

侯子紀原抱道養晦學者卽其居稱爲柘園先生中
園而爽塏者曰明月堂藏書萬卷筆硯精良蕭然有
遠古風味堂之前方池如鏡夏月則荷花爛漫清芬

確庵先生詩鈔卷之七

六

龔人環以碧梧翠竹參差回互蟬鳴鳥語之外四無
人聲今歲庚戌子爲村學究於嚶之東土小舸還往
則過而問焉六月初紀原寓予詩卷父子友朋人十
二首皆與萊陽宋荔裳觀察酬唱之作屬予賡和予
以荔裳聞聲而未謀面不敢傳會乃檢其卷中夾注
有柘園雜詠適如其數遂次韻爲之其中第七首仍
記荔裳一時雅集之勝亦以塞其請也詩成書一通
示紀原其爲我命治書蒼頭一吟諷之

柘園環堵宅地以遠心偏白髮從來日烏衣付往年苟全家
產薄獨立命途邇但有驚人句難禁萬口傳
先生四不出入夏廢籃輿健骨千竿竹涼心數卷書蟬喧人
語寂犬臥客來疎無恙堂前月清清照索居

思孝兼儒雅於今此最賢桂叢招隱地松老著書年草法雄
成聖詩心妙入禪好風窗下至蝶夢幾回圓

朋徒驚歲月兄弟歎靈煙冷落牀頭鐵飄殘篋底篇人倫已
如此天運亦徒然庾信哀時意還憑好賦傳

偶然乘興過愛此絕塵蘿綠映雙高柳紅浮一小橋衣冠聊
近代金石半先朝吾道長貧賤逢人莫漫驕

問齒吾稍長相依東海濱文章興八代禮樂重千春甫里逢
知己潯陽喜結鄰異時耆舊傳可有兩窮人

轄投于里客勸裝館園燭秉百花陰宋玉新成調何戴舊審
音歌者陸生以三日茶煙蹲竹鼠棋局靜林禽罰酒依金谷爭

先抱膝吟
祠堂還故物新復故居蘋藻薦馨香伏臘遵家世春秋待彼

確庵先生詩鈔卷之七
蒼一杯終古盞五鼎暫時荒忍見高曾主蕭條倚梵王木主

幽居多暇日寂歷釣魚竿雨過苔磯滑風生草閣寒聽鶯輕
曳杖行藥小凭闌曾此延文士傳經學杏壇

堂虛爽氣入枏棊弄清陰怒惜螳螂臂吟知蟋蟀心簡編攤
書永機杼伴宵深準擬猗蘭操從君理素琴

野漲吞亭礎還留滿院芳露荷閒墮粉風竹細吟香鳳戢眞
爲德麟來或未祥此幾君獨覺堯舜有羹牆

幽事關心細晨興亦有爲埽畦支筍直移石趁花欹變化觀
三候迴環記四時以茲貽令子奕葉素風垂

雨後將赴村塾過門人陸公麟

脫帽褰衣過陸郎芳陰漠漠水茫茫行經竹下鬢眉綠坐向

花前杖履香却敵侯功歸玉局救時相業在青囊

公麟善兔奕工醫

園夫子君休笑半部還能佐帝王

秋夜金亮文奏星堂文讌有序

門入金亮文志行軒舉貧而好客四方士大夫之賢者游於嚶莫不叩其居而樂與之交也吾婁王太常嘉其意隸書奏星二字以顏其堂堂高敞受風清陰遙貯七月既望予止宿其中者累日夜適山子來自松陵或齋歸從濟北亮文乃爲予招剩齋鐵庵柅園菊隱東臬愷似用咸服尹諸君子輩後先踵至雅酌清吟客合三江珠分一字論者比於南皮之會西園之集以爲後之視今亦猶今之視昔也明日子將放舟別去亮文屬予書此以記鄉里歲月

確庵先生詩鈔

卷之七

八

一片秋聲落戶寒鄭莊好客酒杯寬庭空待月簾先捲堂敞生風燭易殘狎主詞壇皆上國肅行航政似廉官尋常聚合干天象應有占星太史看

惕庵看桂次韻贈眉函有序

予自己亥之冬過訪眉函時方結構惕庵爲予開尊命酌止宿數日一別又十年餘矣今歲庚戌予教授海濱距其居五里而近八月既望重過其宅圓月在戶叢桂風生眉函乃廣招文人醉我以酒酒闌客散出一册示余則去秋紀原翰臣士延及其兄眉聲倡和之作也卷首虛側理二番以遲工詩而好事者余於詩不工而好事或有之遂依韻補和一首子聞晦堂以無隱論禪而有取於桂頗合儒者時行物生意

飛魚躍之義今眉函以惕名庵乾乾終日溲躬浴德
於天香之下其亦有嗒然自失者乎存之他日亦吾
黨一則公案也

十年風雨費相思招我重過醉不辭開戶共看今夜月停杯
補和去年詩松風有影搖虛幌桂露無聲溼短籬好客如君
誰得似令人却憶鄭當時

鬪雞

上海以此爲戲種
出青齊蕃于嘉定

亭午爭雄到日斜血腥狼籍染冠花先朝債帥能如此不把
河山送別家

詠史二首

南史何人執簡勞董狐亦是偶揮毫千秋笑罵馮長樂詎識

同時有鄭韜

薛居正五代史載韜事真偽十一君此
道事四姓九君較甚今史鑑俱不載

確庵先生詩鈔卷之七

九

有子誰家讀父書中郎傳祭亦先幾張融鄭重曾遺令不及

堯封女貴妃

融自奇其文戒子號哭以讀貴
妃求稽顙編次堯封文稿進獻

子友吳葦庵物化子以播遷海虞未及憑棺一慟今過

令子舜燾迫惟夙昔因檢篋中有葦庵見懷詩句次韻

哭之

故人生死各西東相見全憑夢裏通荏苒春光流似水曹騰
世事去如風心隨石化千秋碧魂逐花啼五夜紅車過里門
先腹痛摩挲淚眼問長空

冬夜夢吳江馬萬侯其卽世已半載矣伏枕哭之

夢裏相看覺後無斷魂啼殺樹頭烏只須一夜思君淚流入

吳江漲太湖

王生丹青歌

黃筌花鳥有生趣道子仙佛有生氣千年之後見王生能以一人全兩技一人豈獨兩技全又能畫龍畫虎如天然虎成欲嘯撼林谷龍成欲舞興雲煙似此多才最難得更有餘閒工篆刻杲叔不死三橋生字字銀鉤與鐵畫自言我已老風塵常作東西南北人踏遍青山看遍水鬢髮蕭騷春復春春復春兮秋復秋花前月下大白浮醉來寫幅鍾馗賣坐使人間鬼魅愁

答訪道安上人留贈

憶過淮雲寺茫茫又幾年臺空千古月樹老六朝煙自得黃山信師書至常思白社緣何時同結侶扶杖萬峰巔

簡高蒼巖

聞道新安郡司馬才如風發氣如春五官並用文無害吏治確庵先生詩鈔卷之七

江南第一人

辛亥正月十日書坡招同石隱仇池九日集心遠堂得紆字書字

東風一相扇淑氣與之俱花鳥隨時變乾坤有意無細傾柔落酒泛覽輞川圖時堂中懸此圖盡醉難言別渾忘歸路紆

嶺表歸田後幽閒好著書入春剛十日招友忽雙魚字問秦碑外經傳魯殿餘後人懷此夜欣賞定何如

子敦寄示闕里泰山諸詩賦答二首

千里淮陰道雲山入夢思書來殘雪夜人去早梅時縞紵情無盡瓊瑤報有期柴桑銜戢意浩蕩野鷗知

中原文獻地此日又逢君瞻仰崇吾道登臨歎國氛近歲齊魯地震高歌天際落清嘯日邊聞幕得蘭亭法時揮白練裙

送陸默庵北游兼憶都門故人四首

老去交知漸寂寥况堪攜手上河橋花飄別淚千點柳舞
離情萬萬條周孔微言誰共析春秋美景若為招雙魚珍重
傳芳訊屈指歸期日正遙

江南賦額重他州九度年饑萬戶愁米價似珠薪似桂男形
如鵠女如鳩槐堂大有調羹手謂相卿蓮幕能無借箸籌自

古救荒奇策少祇須兩稅緩征求

百王禮樂半榛荆興起斯文望老成且喜故人多有道共為
國子作先生謂廖天笙歌帳後非云樂車馬庭前未是榮獨

有河南夫子議憑君寄語見施行

憶同姚子駐長安謂龍醉墨淋漓語夜闌癸未秋龍懷書子

髮元笑我無成終漫土愛他不負是言官寒如抱葉蟬偏易

確庵先生詩鈔卷之七

威比鳴陽鳳正難君若相逢應恨晚德庵出龍懷高座而翼

遇盡鈔疏稿示予看

次韻答馬士延見贈

偶遇荒江畔匆匆意未申舌耕人欲老耳食世非真破帽羞
無髮窮途厭有聲相看交灑淚我亦百憂人

夏日移家就館作兼簡及門金中文

生躔三宿賤如蓬垂老移居傍海東放腳團團盤磨外藏身
曲曲斷壺中妻孥婢僕登天鼠筆研琴書負版蟲籠熱因君
君莫笑古來曾是幾梁鴻膠俗移居者知交籠

新篁和以傳作

池塘暑雨過碧玉散林中簌簌初含粉娟娟乍倚空細香傳
茗椀疏影落棋筒晚節誰先立清風比阿翁

獨坐

獨坐江村夜秋光落戶庭天高聞竹露雲淨見池星出囊新
醅綠當門晚稻青蕭然生客思篝火伴殘經

哭送吳茂長參軍櫬歸新安

死別生離又十年酒澆宿草淚如泉黃腸三寸人歸地青史
千秋事在天羈鬼有家知子孝便房無力見妻賢竹西歌吹
銷沈久恨血還飛作杜鵑

九月既望隱湖毛氏載德堂觀穫卽席分韻

築場聲亂向湖濱晴日腰鎌慶及辰紅樹醉添山外色黃花
香動甕頭春當筵侍從多新僕異縣逢迎半故人耕種旣成
書可讀小樓燈火夜相親

玉峰莊晏如舊曾枕戈今隱嚶之下肆百錢自給有詩

確庵先生詩鈔

卷之七

三

見投次韻答之

一廬託跡意翛然風送鈴聲古塔邊俯仰乾坤真似夢浮沈
半馬若爲賢君平閉肆垂簾日詹尹端龜拂策年往事到今
成一笑心旌依舊碧空懸

同長侯訪慧遠上人於東林慧遠有詩見贈次韻答之
逸興同蘇晉芒鞋過佛堂地偏人自遠天靜世能忘落日流
疏梵微風送妙香菜根滋味好時欲傍君嘗

遇元恭於嚶城旅舍兩人對酌論文時重梓其先祖震
川先生全集將竟限十一眞韻

共作江城客憐君一病身飄零天地老忠孝性情眞襪羨材
偏莖鵝知籠不貧儒林兼獨行文苑又何人

家學中朝冠彭城歎絕倫

震川集

雙行帝虎襪

常熟崑山有兩行世

本三寫魯魚頰天爲傳文獻人知尙雅馴殺青重有託盛事
足千春

元恭荅後又倡一首次和

白髮常公道年來也不公三星張日獨五鬼竦肩同詩思窮
偏放文心醉更雄草蔬對榻處大有古人風
片帆黃葉路明發又西東忽憶相逢歲無端各老翁啁啾紛
燕雀變化溷沙蟲努力無他祝歸家早夢熊

離垢園雜詠爲沈賁園賦

蕭閒堂

塵網不誤落居然陶合風虛堂自題額書法本南宮堂名用陶句堂

額摹南宮書

海棠徑

確庵先生詩鈔卷之七

七

春風吹海棠落紅染芳徑中有吟詩人杜陵不能並

水木清華之室

日長靜如年水木方明瑟獨寐寤且歌悠然樂晨夕

畫溪

大樹蔭崇岡谿光菴如畫高士扣門過班荆作情話

鸞嘯臺

危臺高百尺登臨亦壯哉哀音激皓齒拂拂清飈來

澡影軒

欽哉日新學澡躬以浴德孤影俯清池時時濯其魄

桐蔭

桐葉影扶疏炎曦陰不下君其堅護持丹鳥或來舍

紺雪樓

藤花夾岸紫年年借樹開何時一載酒樓上相徘徊

藕花步

扶杖納涼時香風聞十里六月采蓮花七月采蓮子

木义庵

縛庵儲梵笈夜夜見禪燈清磬一聲起蕭然退院僧

待鶴坡

疎影寒香畔巡檐何所思林逋已有婦祇欲待佳兒

君子亭

蒨菖映篔簹一皆君子茅亭淨無埃對此心如水

坐花巖

累石結層臺醉向花間坐偶然玉山頽高枕青苔臥

侶鷗池

確庵先生詩鈔卷之七

古

方塘帶菰蒲鷗羣狎同社浮沈水中央共是忘機者

同野堂

同人在於野同志幸同堂何似長安道殘更馬足霜

凝香榭

春盡夏初天露重花枝鞞夫人既傾國侍婢亦媿娜謝皆杜丹芍藥

二仲廬

屋數楹招周籟庵陳山農居其內

願將二仲廬改爲三隱室儂已久無家一枝小託跡

春雲渡

鳥宿欲黃昏雲開逗月痕緣溪弄小艇春夜過西園

送葉訥庵還朝五首

錄四首

文章經國千秋事侍從多君著作才試問當年廷對日何人

獨解賦瀛臺

拜表陳情爲老親歸來湯藥及親身趙苞温嶠千秋士誰識
今人勝古人

久向清溪伴猿鶴今從黃閣綴鸚鵡之行實慰蒼生望豈爲
榮身重一官

障泥叱撥過齊城定入萊蕪見阿兄爲語故人初病起蕭蕭
白髮滿頭生

羅溪舟夜

家在蒹葭澤國中無端爲客練祁東寒煙百里三江路夜月
孤舟五兩風化去友朋頻入夢連夢麟亭老來踪跡獨飄蓬
平生豪氣都銷盡不敢分明問碧翁

辛亥秋日過湛庵館訪范華先不遇留宿書樓今擬再

過賦此

確庵先生詩鈔卷之七

五

清溪十里月華明夜照高樓雒誦聲南面傳經老博士西窗
擲管眾書生危匝芳潔知中饋儻從温恭卜主情尙有石湖
風韻在未經謀面已心傾

庚戌秋訪汪雲憑別後有詩見寄次韻答之

曾從蘭若一相存杜甫幽居宅似村曲曲亭橋花滿徑紛紛
梧柳水填門軒號二碧吟看雙鵝簷牙噪臥聽羣蛙枕角喧何日
輕舸重過訪與君把卷對清尊

次和或齋惕庵眉浦村居二首是日惕庵大舉吟社座

客四十餘人

藤杖芒屨未怕泥到門楊柳數株垂紫騮靜立深深院黃鳥
嬌啼密密枝綠磻影橫松菊徑桔槔聲亂芰荷池田園無限
閒風景總與詩家畫手宜

高齋長日夢魂賒細聽江潮走白沙雨後倒披天竹葉風前
輕墮海榴花石牀歌管游仙窟草閣某聲小隱家坐愛晚來
添謝句練如澄水綺如霞

哭門人程孝子源一

正擬扁舟來往頻誰知一別隔千春書生志大難逃命窮鬼
權高易殺人雪裏著蕉空有筆源一善書袖中懷橘已無身可憐
風雨蕭齋夜魂魄還依白髮親

仲春唐孺舍寓書及詩約往梅花源書到時已五月矣
卽用其韻答二絕句

花源聞向竹陰開不及追陪倒百杯欲賃一廛傍君住香風
十里去還回

一別悠悠兩判年寄書催放看花船獨憐書到荒江畔已是
確庵先生詩鈔卷之七

黃梅五月天

次韻和伊人四十述懷

鳳里家聲遠箕裘有鳳毛牙籤傳述廣金匱校讐勞吹律成
幽雅探奇續楚騷壯游凌海嶠微尚託林泉道降輶膠序時
危舍俊髦困車甘伏驥升木恥從猿宗伯三垣斗司成八月
壽雲煙生落紙珠玉在揮毫蔡邕歸王粲韓書仗李翱嗟予
空碌碌避俗且鷲巖地僻洲名蔚身潛穴似陶西鄰憑撲棗
東圃縱浮桃孰問貧顏甚誰憐冷范袍多君來舊雨念我枉
輕舫市遠無兼味杯空祇濁醪已看皆潦倒爭忍不酩酊狼
籍拖腸鼠荒唐斷足釐酒經聊擬續錢論敢仍衰不惑年方
富能窮調愈高暫時教護屈何必歎蓬蒿

王太常書至云有小極寄此問之

弱歲招延醉飲醺白頭隆誼尙如新兩疏車馬當年事四皓
衣冠此日身絹華韉材求畫客門穿鐵限乞書人相期強飯
兼頤性遙慰天涯一放民

過伏波將軍廟拜題

平生曾遣少游哀一日從龍亦壯哉聚米成山匡世畧鑄金
相馬異人才沙塲革裏非虛語蕙苴車還是謗媒萬載瞻依
崇廟食漢家翻欠畫雲臺

再次伊人生日述懷韻自歎

有序

予與伊人數十年古處蓋略見於前篇矣已而思之
伊人衣裳之歲卽予采藻之年少者日壯壯者日老
而予流離世故白首無成其可感也乃再次元韻以
自傷云

確庵先生詩鈔

卷之七

七

自笑成何用霜華上鬢毛乾坤慙俯仰父母負劬勞解讀椎
車傳曾沈繫石騷牧羝邊雪窖步馬楚蘭皋苦調甘如濟淨
名棄若髦飽倉羞永鼠好睡學吳猱世事春宵夢人情夜壑
濤身輕從斷梗命薄委秋毫仙未游梅尉儒還拜謝翱有七
羽魯國圖者朝荒江陳俎豆香國避塵囂尉村有七
望講學則拜之穿管南村宅下陶清心數竿竹銷恨一溪桃渴不貪泉水寒
惟澈溫袍悲歌唐將祠子家傍唐坐臥晉漁舸冒雨鋤新韭
衝煙蕘濁醪暫教忘瑣瑣且得小醜醜何幸供烹雁偏同脫
網罟每懷先哲訓時懼俗人褒學道方知病偷生敢自高百
年羸糲食直欲廢邪蒿

贈門人顧以青

吾黨多英彥如君未易才墨池書北面杜審言吾之書絳帳

道東來對月孤心迴臨風萬象開新詩渾似玉光燄出塵埃

寄懷門人馮寶伯

馮郎曾感太冲深君似聞孫繼德音知命躬能持白璧違時
口不道黃金鵝羣書帖雙鉤勝牛角巾箱萬卷淫却笑天公
窮有盡但窮祿位未窮心

鹽門人葉桐初白雲圖

十年山水阻相思蘭若重逢把袂時匝天形圓似甕膏騰
世事亂如絲白雲故宅人何在黃卷殘燈淚自知我亦泉魚
風水恨轉爲君廢蓼莪詩

壽石隱八十

記君七十欠君詩時子負土直水又是年千一轉時
蜨夢閒身常栩栩雞窠樂國自熙熙杜陵的派千家祖許慎功臣百世師門
確庵先生詩鈔卷之七

內啼聲剛在抱可能再索是男兒石隱方得一文

秋日同長侯九達子淇過長春禪院次和壁間雲憑作
背郭雲深處禪房出短籬人過犬獨吠花發蝶雙窺竹雨數
聲磬松風一局棋何當同結隱老此茹商芝

次仇池韻簡鴻逸二首

同是荒江老放民君偏矍鑠長丰神劇精鑱去煙光細種豆
鋤歸月色新翠竹千竿三伏冷紅花百樹四時春比來朋舊
風雲散樂志田園更幾人

傍市橋頭賃一椽望衡對宇劇堪憐長爲南北東西客虛負
風花雪月天胥怒只驚符似火友來爭得酒如泉輸君歲取
租茶判兩腋清風想地仙

次和何匡山少參菜圃詩四首有序

士大夫之好尚關乎風俗當漢之東徙三公皆敝車
羸馬敦崇節儉而其後遂多砥行立名之士晉之中
葉爭以奢侈相誇或曰食萬錢而云無可下箸卒至
中原雲擾嗚呼可不慎與少參何匡山先生解組之
後流寓江南恥肉食之鄙雅志澹泊有菜圃吟四首
予聞其風而善之因依韻奉和匡山見之其以予爲
咬得菜根者耶

半畝園蔬綠生機合自然春陽開徑早夜雨入庖鮮未羨蔣
如斗何須粟過拳文人勤四體抱甕已忘年

尊鱸歸傲吏杞菊老天隨力把紅芽覆頰將紺甲移葉垂經
兩足香細受風遲回翰觀時序流行物自知

寂寞元都觀曾傳詠菜花誰知漆園吏不戀玉堂麻帶月分
確庵先生詩鈔卷之七

五

陶豆先時覓鄭瓜晨炊羹易熟豈似飯蒸砂
荷鋪樊人徑揮鋤護鳥巢物情知脆軟地利別肥瘠益智多
蔓繞延齡長夜交頤生兼百藥無復想嘉肴

再和匡山菜圃詩四首

小民不可一日有菜色士大夫不可一日不知菜味
不獨自奉卽欸客亦應然若以喫菜事魔相誚非知
已也因再次元韻和之

三月芳畦暖籬根花復然只須勤學圃不復事烹鮮奔馬紅
兒掌蹲鴟白露拳蒸毛防折項僮約已多年

曳杖春風裏忘機羣鳥隨兔絲依候值龍爪及辰移灌喜溪
流近鋤貪日色遲今年生意美爲報故人知

薄靄籠庭樹輕風灑徑花洗鐺燒葺陸敲石煑胡麻籜解青

青筍絲牽翠翠瓜應借句漏令劇雪問丹砂
老圃滄江上瀟風近有巢但愁違雨露不復問肥瘠小摘從
鄰媪分移及故交草蔬同客飯誰謂尙無肴

就舍東臯庭中早桂正開簡四三知己

爲喜東臯嘯移居傍友生兒曹雙腳健襪被一肩輕避地從
吾好先天玩物情相期桂花下坐月倒深觥

秋日就居慧遠禪室庭前草長三尺矣

遠公錫東飛虎谿蒿滿路陶潛飢欲死總爲琴書誤亦思扣
門去踟躕且却顧拙守誠足嗤聊以全吾素

次韻答元恭見訪

徇居僧舍古城東小寄天涯泛泛踪難得深山藏變豹且依
勺水學潛龍白沙繞宅斜還直紅樹當門淡又濃眼底新知

確庵先生詩鈔卷之七

三

幾人在願君乘興便移筇

元恭東臯秬園長侯大年同集小齋仍用前韻同賦

可卜吾儕道欲東卽看萍水聚幽踪德衰笑我成凡鳥識遠

因君羨子

龍元恭是日屬予書申
音居諸傳蟠字子龍

匣底芙蓉秋氣肅腕中琥

珀夜光濃

諸見各攜酒肴至酒
有名琥珀光者尤佳

不知誰主誰爲客排日何妨

數放筇

途遇申湘合感舊

西隱禪林結伴游曾過別館重淹留論文共欲無千古

湖合
著述

甚富所
見皆合
把酒何知有百愁春去秋來驚社燕天空海濶羨沙

鷗廿年分袂重相見君已蒼顏我白頭

生日謝親友

作蠹人間六十春重逢母難淚沾巾虞翻相豈封侯骨趙壹

生元薄命人白髮蕭蕭空老大青瓊兀兀只長貧乾坤俯仰
多虧欠慚愧知交載酒頻

確庵先生詩鈔

卷之七

三

確庵先生詩鈔卷之七

卷之七

三

確庵先生詩鈔卷之八

紫陽集 癸丑

歲朝趙邑侯以修志事枉駕元夕招飲書院賦謝二首
元日方高枕千旄破薜蘿芻蕘頻下訊鷗鷺辱輕羅世易聃
郊少書殘亥豕多茫茫尋墜緒詳慎欲如何
異縣羈萍跡慚將重客看微風搖燭短圓月引杯寬舞袖春
回冷歌鐘夜向闌賢侯清興劇聊爲罄交懽

家笏書見訪

多君高義枉牆東踏破青青草一叢曲徑雨過春社後小窗
花淡夕陽中文傳忠孝傷時變詩記艱難備國風
見示偶園記閱災詩
最是交歡異人處太邱遺範本源同

寄顧以青苾鞵

確庵先生詩鈔 卷之八

匹屨聊相贈尋春緩步宜過時芳草合蹴處落花知徑曲深
深入岡危窄窄移堪隨素心友放腳就黃鷗

簡管平侯

花信蹉跎二月餘故人消息近何如徒聞窮鬼憎讐命不見
神仙授秘書泉石有情成痼癖乾坤無地著樵漁桂村東望
頻搔首好寄雙魚慰素居

懷存齋兼憶靜觀樓講學

昔人清閼閣吾子靜觀樓鼎出姬周寶書傳趙宋鏤深心同
有託絕學獨無儔回首鷺湖席相遠又幾秋

聞王書城上已舉吟社續其先世蘭亭之會寄贈一首

卽看修禊日恰遇永和年
歲同癸丑社集蘭亭彥花飛曲水筵風
流千古合詩卷萬家傳念祖崇明德還期古聖賢

贈錫山門人秦雲碧

能通三極理儒學始爲眞盡性先知命言天必驗人虛中推
後起守敬似前身老矣吾無用君才洵絕倫

將之新安別婁東老友

朋舊風雲散相思入夢頻誰知飄泊子又作別離人江上青
山路天涯白髮人不須愁醉醒此夜已沾巾

別練祁諸子

卜宅因知己相看喜欲狂何堪初煖席忽漫是離觴舊雨如
今雨他鄉又故鄉依依分手處春色斷人腸

長侯拉新溪同人餞子於百尺樓有詩贈行舟次吳江
依韻作答

交情直欲化雲龍韓孟當年戰筆鋒方訝三秋如一日豈期
確庵先生詩鈔卷之八

千里又孤蹤帆移茂苑生春水燈落吳江急暮鐘回首河橋
楊柳色故人已隔數青峰

汪行口號

囊書襍破上蘭舟笑指江湖汗漫遊放鶴亭前花萬樹釣魚
臺下月千洲松蟠鱗甲疑龍窟寺結雲霞半蜃樓濟勝縱然
才力盡也須長嘯碧山頭

過釣臺二首

夜雨平添百尺濤釣臺雙聳入雲高足加帝腹原無意只合
悲歌學謝翱

桐江山水最高寒萬古乾坤此釣灘生傍亭臺死同祀教人
妒殺是方干

入溪雨後

每話登臨意氣豪于今始釋夢魂勞山隨地脉頻頻轉水挾
灘威旋旋高傑閣懸崖危似棧長年挽紉捷於猿雨餘倍覺
添詩思臥看飛泉首重搔

連雨五日夜溪水大發舟行甚艱

老去重爲客逢人怯問程時時看峽影夜夜聽灘聲小市難
求物荒村不辨名闌風兼長雨百感一時生

東郡司馬高蒼巖

憶昔輕帆渡楊子行人曾入江都市望古先瞻董相祠縱遊
直上謝公墅平山堂畔人煙稀大半駝塵雜馬矢其時同舟
有學亭學亭爲我道君美肝腸飛雪氣吐虹此是當今大賢
侶禰衡刺字毛久生却爲交君通一紙君能傾蓋如故人促
膝論心日移晷別來君遂上都門謁選天官得司李日南遠
確庵先生詩鈔卷之八

三

涉洞庭波故鄉回首數千里蓮花幕中從者誰吾門有仲無
雙士一言然諾身許君不怕蠻煙與瘴雨多君還方尙予念
尺素裁書付雙鯉雲刀犀利可切玉永某閒雅足銷暑至今
篋衍寶藏之欲報瓊瑤愧無以已聞君才健如虎仗劍前驅
傾國否政成量移入內郡司馬新安清似水黃山入我夢多
年況有良朋在尺咫恐君疑是秋風客幾度欲行姑且止去
冬忽辱惠嘉藻侑以金卮一何侈今春又念陶潛飢吹噓聲
入曹公耳招延重理免園冊頭白應難任驅使感君厚意不
敢辭冀得因之親笑語舟中書此敘情愫數言聊以酬知己

汪雨若年友見訪未遇讀其詠蘭詩賦贈

相思三十年盈盈隔一水今來紫陽山近君忠孝里
讀君采蘭詩儵然得心理古人愛蘭芬君子以爲比君家百

雨若所居里名

蘭亭便是百君子君固王者香紉佩應爾爾余慚草木腐聞
之亦色喜或者二人心其同頗如此相期在清秋訪君空谷
裏大開羅美堂兩若一宿叢蘭趾

李秋孫至止太白樓予以酒貲遺之并占二絕句

謫仙終歲客他州君豈孫枝亦浪游我有廣文錢乞汝免教
典盡鷓鴣裘

太白樓名天下知詩人旅館恰相宜憐才合想開元日醉裏
傳呼屬豔詞

武陵程子鶴崖古誼君子也予與定交郡署贈子二詩
有絳帳神依三十載于今始得話平生句子感其意而
和之次原韻

當年弱冠負狂名封事裁成欲請纓有擬上皇帝三十篇漫擬揮戈
確庵先生詩鈔卷之八

四

迴日墜何曾鍊石補天傾樓居百尺凌湖海檄草千行當甲
兵往跡到今成一笑鬢髮白髮滿頭生

山城習靜可逃名水似滄浪稱濯纓鳥語忽來涼雨過蟬聲
初歇夕陽傾三杯悟入青蓮道一局功成太傅兵只合假茲
閒半日與君相對送浮生苦醉暑日以
茶酒送之

問政山示冲谷

昔賢問政處今日讀書堂曲徑千霄檜虛亭拔地篁澗聲喧
夜雨山影澹秋陽蒼碗僧同話悠然與世忘

詠書齋茉莉四首追和程孟陽先生韻

薄籠華月淡籠煙載自西江估客船正是秋來愁雨露香消
粉瘦劇堪憐時方
亢旱

吳閶門外野人家何處園林不賣花記得僧房花下坐竹爐

松火本山茶

向晚枝枝帶笑開，凭闌輕摘小徘徊。素瓷少貯梅花帳，已覺清芬枕畔來。

呼童移近碧紗窗，頻拂蛛絲護玉缸。涼夜客心無奈處，香風寂寂影幢幢。

碎月灘

太白樓前碧澗高，素娥分影照秋毫。何人剪得鱗細八月金風，利似刀。

游十寺志感

簇簇樓臺面面山，珠林偏許占清閒。紫陽餘韻依然在，誰與千秋破冥頑。

寄懷仰山和尚

確庵先生詩鈔

卷之八

五

病餘高枕小窗中，未及深山謁贊公。天上雲翎應似鶴，雪邊泥爪愧如鴻。桃飛紅雨隨春水，竹弄清陰醉曉風。願得浮生同布帽，一龕投老法堂東。

遊黃山雜詩

有序

黃山去郡治百五十里，其所經歷處地險民稀煙火不接。卽新安人百無一二至者。癸丑之秋，從子南浦在署，促予與逸兒同游，而舊京何子東籬興亦劇然。以跋涉艱難，糗糧無所出，踟躕不前。冲谷聞之欣然，爲我命巾車，戒徒御，撰杖屨，四人行，色遂得壯焉出。

鄣城口占一絕句

囊書曳杖出江城，無限青山解送迎。若使宿春無弟子，陶潛爭得鼻籃行。

浴湯泉

第四峰根水千秋永似湯靈能仙俗骨潔可浣詩腸衣後灑
灑汗風時細細香自從沂浴罷重見老夫狂

宿慈光寺和南浦作

丹砂峯下法玉臺直逼宸居拂上台衣鉢舊傳宮詔賜幡幢
新自甯家來繚垣鱗次千巖石畫棟翬飛萬歲材靜夜松陰
扶杖立一庭秋月冷蒼苔

小心坡

絕壑懸崖下瞰深時時風雨作龍吟人生失足多遺恨何必
登坡獨小心

老人峯

茫茫下土切灰新不識何年此避秦扶杖對君還一笑相逢
確庵先生詩鈔卷之八

都是白頭人

六

鍊丹臺

松作屏藩石作坡坐看一葉捲秋輕霜林取次紅於錦疑是
丹砂鍊欲成

天都峯

眼觀銀漢手捫天河鼓參旗近及肩三十六峯雙腳底更從
何處問神仙

太白醉石

白也狂歌處曾經墮酒星似同天共醉不敢獨爲醒

文殊院晚眺

八月黃山頂涼暄忽異觀花光還近夏有萱葉盛開風氣却先寒
雲起浮如海霞飛變似巒塵沙不到處緇素共盤桓

臥龍松

百尺無枝跨澗松蒼藤繞繞翠苔封豈因未得逢三顧甘老
空山作臥龍

文殊院次程墩篁先生韻四首

雲門天闕迴塵埃羅列羣峯入望來懸緬已無前代蹟向有鐵索

存今不磨崖猶見古人才碑有雲青連鸞鷲重重舞翠聳芙蓉

面面開花二翠家住海西三島近爭知此地有蓬萊

誰從斷壑駕虹橋引上秋空逸興遙日吐火珠明似錦雲翻

銀海幻疑潮松房長護浮邱鼎天鳥頻吹弄玉簫願得把茅

長結隱不為禪客即為樵

惆悵浮生夢覺關向平昏嫁幾曾聞一身投老還無地萬事

忘情却愛山獅象威儀雪漫漫蛟龍窟宅水潺潺白頭濟勝

確庵先生詩鈔卷之八

七

輪年少追躡丹梯尚可攀

泓崢蕭瑟古來名大好靈區興化城北谷作寒南谷暖下方

飛雨上方晴野花豔異看難識石筍參差刻不平已識黃山

真面目且留餘興待重行

黃山三章章六句爲蒼巖賦以頌亦以規也

黃山之水冽冽其香君子之心既溫且良澡躬浴德邦家之

光 黃山之松矯矯其龍君子之才爲世儒宗交柯數葉福

祿來崇 黃山之雲瀾瀾其海君子之德步元游愷用汝作

霖虛席以待

紫霞山

山村樓閣幾人家曲曲沙堤帶紫霞隔水酒帘招客飲名園

恰喜報花開

從一綫天上玉屏峯和施愚山少參韻

出井身如縞雲梯峭壁懸載將孤腐骨兀立巖峰巔日月團
團影河山點點煙元暉詩和就清響欲摩天

過雙嶺

重重鳥道倚雲斜一路秋風入桂花雞犬不聞松竹冷清溪
白石野人家

秋夜和南浦韻

蕭蕭微雨過高林愁聽江關急暮砧畫虎未成千古恨聞雞
欲舞百年心黃花籬下金風肅紅燭尊前玉漏沈自笑腐儒
還健在好山尙許一相尋

時方從黃山歸

蒼巖招飲花下伶人歌遜國疑卽席成三絕句

鵬血猿腸故國悲誰將遺恨譜新詞哀弦急撥秋風裏四座
確庵先生詩鈔卷之八

八

無聲兩淚垂

雒蜀交爭苦未休釀成宗社作荒邱皇天此恨應終古豈報
方黃十世讐

白頭供奉唱江南紅豆聲殘酒正酣莫訝君王偏愛老渭城
高調是何哉

斗山亭讌集詩并序

倚新安良維之雉曰斗山冠山有亭歲久而圯太守
曹公攷其圖牒喟然曰噫前賢之遺跡在是不可不
復乃與鄉大夫士共成之且爲之記予讀之而竊有
歎也江南數十年來兵戈饑饉古今名勝之地鞠爲
灌莽滅沒於荒煙古露之中者何限獨此亭歸然頓
公而復非偶然也歲癸丑九月修登高故事一時官

舍諸公羣往而嬉酒酣賦詩屬予序之而饒諸石子
秋士也俛仰今昔當秋而悲雖言之庸足重乎然予
僻在海濱相去千有餘里今日者幸登此亭借山川
朋友以宣其鬱滯而去其幽憂之疾人生往來聚散
之故又豈偶然哉不可以不書於是乎書

江關秋老雁南征置酒高堂客思生雙郭風搖千樹直一天
霞襯萬山明黃花獨照愁中眼白髮偏多醉後情無限夕陽
吟未盡令人却憶謝宣城

曾見干戈送老儒異鄉登眺獨踟躕茫茫天地空今古渺渺
山川自有無紅寺小橋翻去鳥白沙斜澗浴歸鳧高秋搖落
堪悲處可有荆關入畫圖

龍潭

確庵先生詩鈔卷之八

九

龍去潭猶在鳴泉日夜徂濺空成雨露到世作江湖石觸頻
高下風吹乍有無冷然會心處吾亦見真吾

雙鳳集

起甲黃盡乙卯

甲寅春再之新安澹齋將去官矣置酒諸天閣賦詩話

別和答三首

錄二首

雲山疊疊笑顏開誰似官閒上釣臺莫憶故園春色好虎印
花柳待公來

勝流高會倚青天醉眼看山點點煙應念故人江上路孤帆
細雨一書船

用邀兒韻送靖遠冲谷歸漁陽

千山萬水送君時離恨悠悠曉夢知雨後桃花紅濺淚煙中
楊柳翠顰眉西園公子才方壯南國騷人鬢已絲况是天涯

征戰日小窗文酒正難期

疊前韻留別賓及時賓及在署

澄江如練好春時爭奈魂銷別故知雙槳急分春水面孤帆
斜帶曉山眉衝煙翡翠驚樵斧弄日蜻蜓立釣絲回首紫陽
官舍遠不知何日對鍾期

留別澹齋

相見不相知不如不見時相知遽相別不如不相知去年練
江來夏木鳴黃鸝今年練江去春柳搖青絲江水故依然此
心殊歡悲公本金閨彥塵守新安陬吏治兼文章風流世所
希愧予一放民漁釣滄江湄虛聲入公耳招延作賓師下榻
客最上敬愛久忘疲山水縱登臨談笑生光輝頻呼兩僚友
夜夜同銜杯清歌遶畫梁絳蠟明丹墀已養海鳥母乃非
確庵先生詩鈔卷之八

十

所宜公子皆高才儀表白玉姿入幕多良朋交好如蘭芝連
牀共風雨論文詠新詩兩兒先後來具得承恩施通門效荀
陳千秋以爲期詎知轉盼間公起尊鱸思以公骨鯁性頗與
世俗違折腰事上官嘔強不能爲是以動多愆謗與名亦隨
近聞江漢濱埃火傳警蠶于戈滿天地介馬風雲馳公得賦
歸來言侍雙親闔臣忠兼子孝今是覺昨非此事豈人謀實
乃天相之冥鴻遂厥志去不復疑獨有故人心傷感情依
依最樂相知新最苦生別離平生慕俠烈氣矜而振奇願爲
知已死頗自負男兒今日別公去遙遙天一涯何年重會面
會面復羣嬉長歎不能言虛齋雙淚垂

贈武林門人程魯望

家占湖山勝名賢舊德存詩書傳大業孝友重清門彤筆春

揮灑奇文夜討論交情如孔李古道自相敦

西湖送冲谷用邀韻

有序

冲谷以烏衣子弟黃絹才華從其尊人游學徽郡予
叨一日之長遂訂歲寒之交入則彈琴讀書出則吟
風弄月喜同朱蔡樂過元融近者言旋北里至止南
關乃放棹于西子之湖開尊于逋仙之舍折煙中之
楊柳腸斷韋莊觀水面之桃花情深李白爰成長句
聊當一曲驪歌用貯行囊庶作千秋蘭譜

送君二月西湖上春色無端亦黯然片片花飛黃鳥路絲絲
兩罨綠楊天其如堦火傳清柝不那笙歌沸畫船明日醉醒
何處夢燕南鴻北一年年

破涕送君翻作笑錦塘花木爲媽然翠樓水面疑無地紅寺
確庵先生詩鈔卷之八

七

山腰別有天霸業銷沈雙目孔軍書騷亂五牙船心長髮短
嗟何及攬轡澄清望少年

四疊前韻贈別靖遠賓及

建安兄弟交情重三疊陽關倍悵然正歎詩書方埽地忽驚
烽火又連天壯心半入桓伊笛豪氣全歸米芾船何日相逢
還剪燭對牀重話練江年

寄懷程鶴崖

天涯賓榻喜相依忽漫離羣心事違青草似袍春又合綠楊
成絮曉初飛書城冷落無征戰酒國沈冥少是非南望紫陽
君不見幾回惆悵釣魚磯

錢梅仙五十贈言十首

有小引

梅仙忍飢誦經有箕顛之操五十之年忽焉已至念

其及門已久賦詩相贈露川先生所云生辰爲壽撫
今追昔感慨之意居多者也詞雖鄙陋敢以請正於
四方立言君子惟冀錫之詩文共爲表章其素履瑚
亦與有榮施焉

憶昔論交始相依在蔚村豈知茆舍冷祇覺布衣尊蓮葉風

吟水蛙聲月照門將車湯餅曾往往到黃昏子居蔚村與梅
仙煙火相望雨

歎如荀陳麗葛故事
家之世修雞近局之

桂村東海畔招隱聚同羣適往驚何遜淹通羨陸雲銜杯裁

麗句剪燭賞奇文猶記桃源路迷津恰共君每同梅仙訪何
市仲威公藝平

侯華飄有詩酒之
樂留中夜迷失道

湖上藏書閣傳經不計年春風汾水宅夜雪剡溪船泉石從

吾好衣冠少世緣王生圖畫在羣彥獨推先子與梅仙同節
見湖毛氏出則

確庵先生詩鈔卷之八

借潛在中庵諸先生探泉鳥目入則與華伯奏
叔谷季輩讀書萊翰王次假爲作隱湖授書圖

四壁蕭然立匡牀抱膝吟身能持白玉口不道黃金長嘯無

天地雄談有古今行藏三十載喜爾最同心

著述誰宗匠虞山有巨公登龍聲氣合斟雉本源同考牒知

昭諫題辭重太冲尙傳吾彘句一日滿江東梅仙與
生同系武肅先

生序其詩手書其警句
吾彘編寄示京師名家

吾黨真遠俗縉經劫火餘玉峯花月夜裏水雪霜初鄂園修

春社陶家埽舊廬棲棲無煖席從我抱殘書鹿城裏水竹村
昆湖屢典講會

梅仙皆
在座

先師嶽降地遺俗說新安尙有逃名士猶多習禮壇樓臺天

外見山水畫中看我至君歸矣人生聚合難新安紫陽書院
遠老古冠服講

春秋不輟梅仙館營嚴司馬家一年
子設教澹齋卽伯署梅仙則已歸矣

蘭陵古名郡羨子近移家座客求黃絹門生走絳紗文章新
氣象人物舊聲華西眺盈盈水相思天一涯毘陵多宿素子每欲乘梅仙赴

館擊舟相訪未果

弱冠爲師弟無端共白頭函關全性命把卷送春秋舌在才
還壯心長志未休吾衰今已甚賴汝障頽流

門牆多國器伯仲見錢瞿健谷時談鬼梅仙只守株亭亭天

下士兀兀古人徒至竟成何事嗤他兩腐儒有仲自號健谷與梅仙交最密

皆不求用於世明年有仲亦五十矣故戲而及之

次九日韻送不庵上人住湖田二樂閣

弋人縱機智曾不及飛鴻得道關門尹忘情塞上翁儒流多

汨汨佛國自空空杖笠翩然去君才古大雄

庾郎詩賦好楚調少知音飄泊還從昔艱難直到今靜歡無

確庵先生詩鈔卷之八

三

物我肥遯有山林中夜旁皇歎何人識此心

種豆荒邱畔相過六月天子在先董種豆不庵冒暑見訪無家與子共出世

占子先揮汗雲如火論心日似年坐深同一笑不覺膝頻前

城南二樂閣地僻稱幽居秋色霖後湖光夜月初千峯雙

腳過萬頃一杯如更喜袁閣在龍巖同居清齋共著書

瞿有仲五十有序

吾門瞿子有仲今之振奇人也歲在乙卯爲其知命

之年菊月初度其兄師周賦詩勸酒詞旨辛酸予爲

感歎者久之因成四章以敘其抑塞磊落之概并邀

同人共作焉

志大才高運未逢側身天地一吳儂愁來白髮三千丈夢去

紅樓十二重近著紅曉樓集猶離騷之懷美人也破屋秋風吟蟋蟀空江夜雨

墜芙蓉一匡事業常期許誰道依然作臥龍

曾輕萬里走天涯鼓角霜寒鳥道斜懷古淚流招屈水感時
腸斷避秦花身甘貧賤長爲客性愛登臨不憶家記得江干
秋月夜也爲商婦恨琵琶

經歲囊空欠一錢尙餘豪氣似前賢指囷安欲傾三百縱博
狂思盡十千星在天雷應有日命臨磨蝎已多年金山風浪
揚州月回首同游一悵然

寸舌封侯事已虛壯心取次欲銷除東山墅畔貧高枕西嶽
祠中懶上書富貴漫誇吾自有行藏休問世何如勸君且置
無愁酒萬事都歸一醉餘

輓徐鳴球二首同天來作

昔歲趨庭日

家君節直水

論交杯酒問管弦催夜月

鳴球善簫管

翰墨

確庵先生詩鈔

卷之八

十四

動春山十載愁租賦全家避草菅每逢東海畔相對淚潸潸
青氈生計薄研凍冷于冰歲儉嫌妻子時危戀友生鳴球避通賦館
疋嘉病逾身戍削貧轉骨峻嶒一昔歸黃土悲君獨撫膺

簡穆文和上

卜居纔咫尺多累未過君幡影風中見鐘聲雨後聞白雲雙
樹合黃葉一溪分南望安禪處歸鴉帶夕曛

愚山賦詩遺予敬亭綠雪拜而啜之不待七椀已風生
兩腋矣報以二絕句

敬亭終古地偏靈草木清芬見德馨今日若教鴻漸在定書
綠雪補茶經

簇簇旗槍穀雨時采遺千里寄相思遙知山館傳衾夜耳聽
松風手寫詩

墓田種豆

柳樾衝煙襪禊輕豆苗蕪穢及時耕由他襪戴紛如蟻
爛染髭鬚學後生

確庵先生詩鈔

卷之八

五

確庵先生詩鈔卷之八終

